

施愚山全集

第一函  
十五册

施愚山先生學餘詩集卷之二十一

七言古

千頃堂藏書歌為黃俞邵作

錢牧齋宗伯有記

藏書共說須名山黃子草堂屋市間山中有盜能肱篋市上何人肯閉關黃子示  
我藏書記使我太息還開顏天厄斯文意不測嬴漢宋元幾沾臆金泥玉冊盡飛  
灰駝負輦馳歸絕域人間流落存殘編注疏補輯勤諸賢寇壘橫攤作甲冑圍城  
拉雜供炊烟馬牛蹂踏裹糞土頤籀夜號哀九天自從八股輕六經後生搨管登  
彤廷百家子史太瑣碎略數書名已倦聽風俗藐書人賤賣聞說朝鮮國偏愛舊  
家稠載救饗殮估客收羅換珠瑁此時喪亂漸無書君家六萬卷有餘幾度桑田  
變滄海帝敕掌書守爾廬多君先世真卓犖謂俞邵尊前立先生秘笈奇文靡不學青箱  
世守重哀增排籤插架無叅錯虞山宗伯為君歎閱覽高風兩獨難石倉緗帙既  
珍襲手校家傳還借看恨我將衰難夜讀暝坐有特背燈燭雄吞萬卷心不死會  
向高齋看書目

旱風篇

千村井渴草木黃二麥枯無一尺長川取作飯徒傍徨中虛無粒餘麥芒嘈嘈兒  
女嗔爺娘縛雞易黍炊壺漿天茫茫南風捲地不可當旱魃晝出飛廉狂兩年歲  
儉今田荒九重心測真成湯桑林哀禱呼宮蒼萬民如堵皆沾裳上帝君不見  
黃河水溢連江雨田廬漂盡嗟淮揚

賜裴圖歌為沈繹堂太史作

茂陵作賦傳禁闈召赴金門給筆札謫仙李白揮彩毫承恩勅賜宮錦袍奇才異  
數古罕有千載聲名在人口華亭太史沈休文遭逢聖世真不朽憶昔讀書石渠  
閣京雒才華推卓犖揚馬文章夙討論鍾王字體兼摹索先帝旬宣選舊臣雙  
旌秉節黃河濱政成岳牧重淹蹇數奇遠謫多艱辛贈繳脫身已垂翅傲裴旅食  
成枯鱗天子垂衣忽召見黃門飛鞚如流電天仗光搖金鳳牋御爐香暖鸞鶴  
研螭頭侍從列千官詞翰爭看柏梁殿濡毫進講復陳詩霽色溫綸荷天眷是時  
水雪高山丘瑤臺丹陛寒雲流壺傾仙掖金盤果尚衣又賜紫貂裘都下喧傳詫  
殊遇擁馬羣看塞道路七貴五侯來索書流傳墨蹟多無數今年重召入宮門親  
承帝語問寒溫在廷喜起徵元首四海雍熙想至尊官還舊秩由中旨棲遲難

索長安米瘦腰青髻暗摧殘三泖九峯思故里冠蓋如雲滿京國人生富貴何紀  
極天下才人亦無數惟此九重恩遇不可得 聖主知臣臣戀主會應珥筆彤廷  
側請君莫憶南山之南北山北

醉來歌贈曹顧菴先生

騏驎何當老伏櫪鳳凰不合垂青冥自古文章纏坎壤升沈萬變皆漂萍汝不見  
曹學士昔何騰達今隱淪談遠兩世稱史臣出入侍從詞清新腹笥便便資顧問  
博聞強記如有神胡為失路鬢垂雲傷心往事難具陳十六年來重把臂金門會  
合多吾輩萊陽之采萬新城王西樵南海周東吳堂相頡頏余亦羈棲燕市旁同  
聲異曲成宮商疎星歷歷月皎皎奮袖為君歌激昂 聖主寬仁尚文史國士銜  
冤心不已憑誰仰首號天門事白徐還卧鴛水風塵滿眼憂思多醉來且共尊前

歌

古銀槎歌為荔裳作

背有鏤字云元至正壬寅朱碧山製朱名華玉見輟耕錄

坐上突兀見浮槎根株半朽枝杈枒中有老翁獨箕踞縹緲恍惚如仙家細看乃  
是銀鑿落腹空曲注藏流霞碧山山人真好事雕鐫苦盡經營意摩挲膩滑半無

痕猶存至正壬寅字宋公好古稱博雅滄洲懷抱尤瀟灑醉後淳于興特豪天上  
張審臂堪把此物曾經四百年浮生誰是長年者如君愛客天下無典衣沽酒飲  
吾徒雄談不藉揮麈尾壯志時聞擊唾壺會當倒載入槎腹拍浮滿地皆江湖藉  
伶酒隱亦不易人間萬事何其愚

趙閻仙膳部作頭陀小像

突兀天人姿灑落湖海氣怪底含香厭塵滓掉頭別具逃禪意泰山稊米海一杯  
簪笏烟霞澤閻事愛君且欲苦留君蒼生正賴青雲人君家清獻亦不俗豈必蒲  
團是淨身

喬石林舍人見示先侍御聖任先生來鶴圖

柱史東山高枕處射陽湖畔滄洲趣前代曾傳抗疏名知幾早就歸田賦手校連  
牀多異書坐看滿眼森奇樹海風簸蕩垂車輪一鶴翩翩來不去先生自是鸞鶴  
姿廿年萬事付漁磯嗒然倚杖天機靜還有亭前鷗鷺飛

十峰草堂歌贈錢礎日

錢家錫山有九龍  
峰自署十峰草堂

昔過惠山逢雨雪九峯不辨江天白今來駐策燕山旁逢君乃是九峰客九峰深

處多長松草堂正對青芙蓉看山自信山為友添汝不妨成十峰竹徑蘿軒雲霧  
裏芒屨布襪何時始壯遊五岳復三山相看我輩皆老矣挂瓢且酌山中水

程周量梅花小像

炎海祝融雄百粵山川鬱奧仙靈宅柳州能言不解事嶺南少人故多石君看程  
侯起海濱睥睨中原眼欲白出入承明及郎署風流共許文章伯胡為乎倚樹孤  
吟似山澤把君詩一卷酌君酒滿樽朋友膠漆君所敦幼輿自具有丘壑東方游  
戲隱金門天南羣盜如蜂屯干戈未息黃塵昏羅浮縱好不可住回首梅花何處  
村

苦熱行

帝京酷熱天下無誰言白日寒幽都往時晝汗夜擁被朝昏爽氣生肌膚今年日  
夜如釜甑赤身卧地仍狂呼龐眉父老稱怪事人喝馬喘死載塗輦水如山寨路  
衢千家買盡爭須臾去冬苦寒今苦熱天氣過差偏有餘江南炎暑常勝北關情  
故里當何如近聞太白復晝見憂來側足重踟躕

金魚池歌仿杜樂遊園體

時余將南歸荔裳顧菴緝堂周量西樵  
阮亭觀玉崑崙方山諸公集錢同賦

京華何處散愁疾城裏金魚池第一相國園林尤豁爽新秋邁會好風日諸公為  
我開金樽預恐分襟聚儔匹鳴騶下直來及晨曲宴論文坐從密菰蒲映水似江  
村別館連雲紆石室烟中萬樹南郊青屋角斜陽西嶺出開懷不惜酒如澠見面  
誰能髮猶漆憶昔花時桃李新傾城羅綺騎青春金鞍玉管雜無數遊女嬌娘不  
避人今朝彌望轉清曠晴空無際瑩心神白晝魚龍忽起舞滄洲鷺鷥閒相親人  
生貴賤偶然事好愛千秋萬歲身

得閒吟

還山去秋雲陰渡黃河河水深匹馬歸來留不住悠悠若箇知我心大夫得時貴  
行志漫說為貧聊一試療貧行志兩無成白頭濡滯需何事空堂積雨羅衣單炊  
菰膾鯉思江關長風昨夜送清夢故山笑我成蒼顏黃金如斗賜歸葬何如襍被  
生前還百年苦短不得息 聖主恩深許暫閒登我讀書閣前俯釣龍灣敬亭雲  
氣軒牕裏宛句溪聲枕席間吁嗟莫負此溪山

馱轎中坐卧不得戲為俚歌

籃輿可舁那可馱道長計短當奈何浩如一葉衝黃河縱橫簸蕩交風波坐愁艱

飢寢則那暑雨如甕如繭窩山川都邑虛經過上下如山人力多搖精頓骨心蹉  
跎丈夫縱可無八駟豈堪局促憑兩騾不如匹馬騎款段平沙緩轡行且歌

韓祠歌

河北孟縣城東陞有歸獨存昌黎祠知公故里下馬拜庭宇卑隘巍門基簪冕白  
皙皎玉樹不老不少疎髯髭詎果留侯竝姣好流傳刻畫恐差池墮垣壘几作鄉  
塾六七童非聲唔咿問公閭巷盡恍惚奉祠者二衣冠衰仲宣有井宋玉宅唐賢  
蹟豈無人知兵火摧殘一碑在略紀歲月闕文詞寸筵難尋巨鐘擊庸工縮手羞  
般倭鼠跡蝸涎滿蕪穢迎神侑饗無歌詩天生巨手掃落葉百家八代供鞭笞口  
吸天漿幼霞珮生拉羆虎挫蛟犀乾坤簸蕩萬類困竄逐饑愁逢百罹狂瀾獨砥  
塞羣喙羽翼魯鄒功不隳開雲徙鍾在反掌帝遣鴻文驚海湄便當上書置博士  
飛甍改築命有司發揚盛美琢金石陳牲薦醴繁鼓吹公遊八荒當來歸嶺海嵩  
洛不移時君看月黑風雨夜公乘赤豹擁雲旗

嵩陽雨夕懷王昊廬侍讀

登封城郭嵩之陽翠律青冥雲錦張重雲三日雨如霰滿耳蟲聲秋葉黃此時獨



坐生白髮忽憶美人邈金闕開尊永晝坐論文捲幔清宵同對月長安車馬無時  
休臨岐執手重淹留浩歌早識名山興瑤華送我尋嵩丘一生當著幾兩屐放眼  
一步成十洲看君亦有向平意望遠那免張衡愁玉女窗擣衣石來朝新霽凌絕  
壁與誰共作峰頭客

### 九龍潭歌

翠屏倒削成寒谷重坎靈湫連碧玉鞭霆作雨龍歸來縮角攢鱗此中宿密林夾  
石石髮青崩崖勻磕陰風腥下有菖蒲寸九節潭幽澄滑雲冥冥浣纓屨杖人嘯  
語困嬾九龍眠不醒君不見才雄膽大昌黎子石記猶傳雷震耳

韓退之遊九龍潭遇雷有石記

云戒人勿妄語觸龍也

獨酌寄張爾成少叅

高丘城東作

朔風一夜霜華新高原草衰色勝銀文雅臺東晚沽酒

高丘有文雅臺

短歌獨酌生悲辛

君期大梁飲十日中塗改轍會無因汴城百萬殉河伯夷門山阜湮沙塵梁園修  
竹成灌莽白日黃狐蹲怒人開樽虛左縱結客文章長物誰相親人生黃鍾轉眼  
盡岳遊雙屐隨聞身多君意氣自湖海資我僕馬無逡巡珊瑚作鞭碧玉杖上窮

嵩頂下穎濱惜哉咫尺龍門失行過百里餘悔嗔囊中收得嶽雲在臨風會放周  
八垠茅堂藥徑重灑掃還山解帶題松筠江鄉此日好風味稻蟹豐脂魴細鱗安  
得致君江閣坐緩傾五斗新詩陳歌成酒氣指頭出誰謂吾曹愁賤貧

我不如二首

思叔父也歸既半塗夢叔父寢疾憂不能寐也

我不如黃鶴兮一舉千里無徘徊朝飛自西暮還東歸心皇皇兮思舊樓天路邈  
兮霜雨霏秣我兩馬兮逝將追而

二

我不如慈竹兮盤根曲節相因依苑必連生枯必竝衰魂悄悄兮慘獨悲黃髮衰  
兮白日墮策我四牡兮殆其後而

宿商賢草堂

北來策馬苦思歸深巷斜陽還叩扉石城舊知亦不少執卷忘饑君獨老紫螿我  
買君開尊中庭摘豆充盤飧草堂夜靜如崖壑讀半新詩月西落酒中忽憶牆東  
叟謂方爾止在日三人同笑口人生零落真可歎撥棄勿道使心酸

涇陽雙節婦歌

平陽太守劉使君曾大母張大母魏竝笄年苦節成立藐孤見涇陽縣志  
黃鵠一寡不復雙哀鳴夜半天雨霜阿雛良匹亦如此雙悲獨宿寒巢裏人言此  
事世罕有請看劉家雙節婦柏舟早汎年幾何姑年二十婦十九後先兩世抱遺  
孤洗粧推髻露羅襦層冰墮指聲鳴軋窗前織素燈前書青箱嗣續成頭角蘭芽  
玉樹爭卓犖九原鸞誥未追褒五馬聞孫雙淚落雙淚落且莫哀兩心金鐵齊不  
朽千古休論懷清臺

仙源歌贈邵徵君鎮之

仙源近在黃山下三十六峰真可把徵君高卧棲翠微乘興行吟過白社少年詞  
翰紛陸離射策公車明盛時論心盡是顧厨輩結友羞稱遊俠兒踏踏天門不得  
上風塵世事堪惆悵南陔愛日罷南宮青門掃跡歸青嶂前朝曠典徵賢良羣英  
吐氣爭翔翔詔起先生出蓬華身隨漁父歌滄浪是時姑山有一老謂沈峴同郡  
同徵與君好國是官常重制科采山飲谷甘懷寶轉眼人間萬事非滄江不改釣  
魚磯八十著書從皓首北山笑指孤雲飛著舊年來嗟逝水典型不墜存遺軌有

道誰旌通德門聚星差抵高陽里咫尺思君見面難采芝努力還加餐好憑七尺青藤杖同向蓮花頂上看

斗山亭筵上呈曹使君

同錢陶雲考功孟繼美少參曹廣濶孝廉

鄴郡千山萬山裏纍如海中碧浪連天起斗山壁立兩城隅巒壑人烟皆杖底培樓昔日埋荒榛亭臺今日凌秋旻複檻朱欄列桃李綺疏傑閣摩星辰借問此亭誰構者前身子建真瀟灑樓是曹使君修葺臨風散帶時欲眠對客題詩不肯下今朝佳客集樓頭揮杯直作空中遊白岳香鑪亂雲外紫陽書舍叢篁幽練水當筵如屈注山城帶雨歸烟霧河西遙指石梁橫太白當年飲酒處白也把酒心常開千年一去何時還與君傾一斗差可解愁顏微風拂高樹銀漢聲潺湲北望容成正招手且可翺翔三十六峰間

白龍潭上桃花源作

地近藥姚丹井一名藥谷舊有蓮花菴

黃山峰壑幾千曲客遊先就桃源宿杖底殷雷繞身樓頭洶洶濤崩屋清夢全醒風雨聲深林匹練中宵明曉起白龍掉長尾四山飛瀑來喧爭怪石礧礧排盾戟寒潭氷雪澄空碧隔溪古寺斷疎鐘偃木垂藤纏絕壁匡廬三疊天下稀嵩嶽

九龍稱神奇何如此地獨兼併咫尺眾壑蟠蛟螭復磴盡篁白日暝還沂藥鉞尋  
丹井轟礚不聞人叫呼倚杖空亭發深省問君蓮花菴在無連朝細雨山模糊屋  
角一圭破雲影青鸞舞處看天都青鸞天都二峰名藥谷仙源難具陳琪花紫翠秋為春  
憑君傳語武陵客笑殺桃源洞裏人

中秋夕坐光明頂看月歌

同洪美周江允水許雪  
懷是夕允冰吹鐵笛

人間何處無中秋誰向仙巖絕頂遊白頭牖下苦局促浮雲轉眼空煩憂君不見  
黃山天海光明頂橫絕千峰冠萬嶺芒屨踏破層巔雲石鼓人歸日未暝夕陽散  
映青山紅珊瑚萬樹琉璃中絕壁寒光出滄海赤霄皎月隨長風雲門仙老影重  
重九龍旖旎羣追從坐指蓮花見花瓣遙窺玉女臨虬松此時大笑皆拍手香溪  
客到貽美酒割吾炙傾一斗客吹笛吾擊缶昨日風雨今日晴天上良宵真不偶  
銀漢疎星明玉盤山蔬野果資清歡眼底高擎出仙掌勸我把盞為加餐獨憐五  
老墮雲霧黃山亦有仙掌五老諸峰相思不得同盤桓夜未闌露將溥白鶴唳兮回青鸞翠雲  
裘傲天風寒於乎萬古此山此明月何人不媿峰頭客

贈槩菴和尚

楚人熊氏名闡元以進士官給諫  
崇禎中坐建言指斥輔臣譴戍

入山得黃嶽九州碌碌少名山眼前幸無弱水隔怪底人難一日聞笑我尋山亦  
已晚得逢禪老開歡顏把君書一卷啟口非人間蒲團久坐三峰月杖藜重過九  
龍灣龐眉豎拂時不語鉢中但見雲飛還青原藥公思黃海一日西歸不能待先  
青原藥地師有黃山之約安能把臂同此遊虎溪大笑三人在勿言往事徒傷神裝休今作比  
丘身看君出世好男子舊是先朝骨鯁臣

黃山怪松歌

效古人純用仄轉體松有把門  
卧龍破石蒲團接引繞龍之目

山中老松多詭絕風伯手揉雲綰結青枝如組踵屈鐵根似引繩長百折高可尋  
丈短尺許寄生以石不以土餐風飲霧無凡姿倒身拂地翩躚舞天門以上兩翁  
立一迎一送相拱揖向人兩手儼開張笑語有時風習習盤石團團翠蓋擎僧趺  
細雨衣不濕巉崎一線巖前坐倏駭蒼龍眠欲墮騰身逾峽復斜空片石撐撐成  
負荷又過雲梯各呼吒破石松生蓮萼下怒如利劍刺山頂迸出青霞穿石罅平  
天石畔蒲團好圍坐數人懽絕倒軟鋪熨貼貽阿誰應待維摩及天老山樵野火  
燒半枝雨漬雲滋未枯槁峰尋始信峯名眩眉睫斷崖恰賴孤柯接似伸猿臂來引  
手位置欹危通步履左瞰一峰等卓錫笑出倒垂翻峭壁糾鬚奮角肆盤旋烟靄

冥濛纏霹靂徐看知是繞龍松或稱帝松莫與敵帝松字見山志趾無梯磴絕攀緣膽裂  
猿猱愁搏擊其餘萬樹難名狀石竇山腰迷背向曾見軒皇煉藥年瘦筋綠髮今  
亡恙離奇睥睨人間世盆盎移栽空好事徂徠山麓盡凡材天台橋畔差比類我  
今作歌非癖異笑遣胸中槩礪意廐多肉馬怪真龍時俗徒誇梁棟貴

紫陽書院歌

九月十五朱夫子生日太守曹公同郡僚邑侯戾止集諸生講學賜飲饌  
歌以志盛事

尼山嶧山迴光銜伊洛南來歛浦長折衷諸儒誰獨苦羽翼六經朱紫陽紫陽山  
有韋齋館回峰環侍如堵牆夜闌風雨獨燈火書繙周孔堆繩牀作尉尤溪生仲  
晦新安故土無時忘考亭武夷著書處竝以紫陽稱草堂外家祝叟墓猶在舊時  
山月縈中腸文公自閩還歛省祝公墓講學紫陽書院時山月四字共知魂魄良曉此連雲傑構繇烝嘗御

書祠額冠巖壑宋理宗御書紫陽書院額釋菜講業歌洋洋兵興萬事如流水漸仁摩義等糝

糠百年耆舊掃蕪穢窮秋跋涉裹餼糧生徒習禮氣肅穆官師坐論聲琳琅當塗  
豁達略軒冕布衣揖讓承酒漿俎豆敢言遺緒在山川已覺靈旂翔二程遠祖亦

歛產厥里篁墩湖嶺旁豐祠偉碣著譜系程朱闕里聲煌煌

二程夫子之先歛篁墩人有三夫子祠詳

見程朱闕里志天生哲賢如擇地萃異鍾英接混茫孔壇顏巷猶咫尺濂溪鹿洞森相望

於乎百家路充塞聖遠忍令吾道荒明明日星未墜地願翦荆棘還周行

### 黃山吟贈曹賓友

我家近黃嶽夢上天都峰苦遭纓組縛側身難相從興來蠟屐齋宿春青松手策  
為青龍曹生示我山遊草飛雲走日開心胸憑陵一萬八千丈踏翻滄海蹇芙蓉  
緣蘿捫葛人無數山靈頻妒生烟霧曹生四入峰頭遊層巖疊壑窮朝暮尋山直  
欲作山史一石一泉皆記注我昨孤嘯蓮花巔鍾山廬嶽皆點烟叢和却顧苦停  
轡憾無斗酒招列仙看君弔古懷李白珊珊仙骨才翩翩少年努力爭撰著叫呼  
昂首摩高天丈夫會應取知己何處酒樓同醉眠

### 酬贈高蒼巖郡丞

君初官滇南

君遊碧雞水卧治黃山麓借問點蒼峰十九何似黃山三十六幾時投分軒轅君  
笑把蓮花拂雙目憶昔齊州叢菊開夜闌共倒明湖杯一別花開十五度斗山共  
賦臨高臺萬古銷沈如過隙眼前事事頭堪白尋山乍可訪丹丘對酒甯辭傾一



石君不見杜陵老作諸侯客

讀書行贈張黃岳同年

後生空腹喜祖龍老守帖括如童蒙亦有聚書連屋棟塵封還與無書同不見歛  
州黃嶽翁縹緗充斥一畝宮手排筆纂少間日丹鉛簡首訖篇終略抒胸臆作文  
字長嗤刻畫非天工我壯同官少同榜後先視學山之東見汝高歌留岱頂摧嵩  
抑華憑天風中年勇退良早計對客偏稱左耳聾別我於今二十載齒如冰雪雙  
顴紅糠粃一切那可得坐擁萬卷亦豪雄曹倉鄴架眼前少歸田誰信吾儕窮王  
衍呼將阿堵去文舉坐畏清樽空與君引手向天笑啾啾塢壁徒秋蟲

程公瑜藏墨歌

韋奚潘李世所無存者半挺如隋珠含光內映若膚枯螺文龍脊多模糊桐脂熊  
膽今良圖先朝妙手方程殊不數玉玦與金壺公卿眩目皆驚訝誰其嗣者今公  
瑜君房後勁爭齊驅一丸萬杵成璠璣雲腴石液分天都苦心物色忘饑劬玄漿  
可飲頭可濡割豹為囊十笏儲更應如意推珊瑚

施愚山先生學餘詩集卷之二十一終

施愚山先生學餘詩集卷之二十二

七言古

貧交行為程山尊作

富交長閉門貧交長開樽富交張四筵咄嗟多穗色貧交傾斗酒意氣深相得不  
及見君盛時貪結客祇今黃金散盡非疇昔片言歧路遇知己開襟倒篋無所惜  
一卷新詩雪不如滿眼富兒眼堪白園林細雨共繙書山寺疎林同躡屐聞君舊  
向邗江住怕見乘車喜儒素世澤猶餘諫草存窮吟莫為詩篇誤酒傾一石書萬  
卷屈蠖還須猛虎步狂客從來悲倦遊丹楓殘菊繫離愁聞說春帆下揚子幾時  
來醉宛溪頭

桐塢短歌訓贈程非二

張拳欲搯南山虎袖手低眉卧桐塢海水怒翻桐摧殘鳳吟損嘯聲辛酸白榆彥  
會須史歇新安舊有白榆社皆名宿霜天雲散留寒月簪冠避世棲牆東當年玉樹今山翁黃  
山數峰夜驚走索之乃在君懷袖日日公榮酒滿壺眼中人識酒人無

相逢行寄陳說巖學士

昔在都亭困濁醪長安耆舊相招要 天子崇儒聚文士楊班賈董紛吾曹新秋  
細雨涼別墅長謠短詠懽深宵酒闌脫帽半頭白惜別憂來增鬱陶高都學士獨  
年少皎然玉樹凌丹霄石閣校書朝索筆金門下直晚回鑣相逢忼爽始相識文  
章欵曲心覓交我出春明躡嵩頂中原萬里風蕭蕭三花已落根株古少室斜穿  
星漢高緱嶺仙人逝超忽抱書歸卧守蓬蒿尺素傳來開老眼陳連健筆回斗杓  
八人方駕吾老矣不鄙謂我諳風騷論詩精域那能造君詩有宛陵含清真  
論詩造精域之句 廢學  
雄心早寂寥丈夫經術重喬嶽笑看詞賦成鴻毛舍都茹京偶披寫掣鯨倒海生  
風濤出水芙蓉曜朝日盛年策足真人豪吾家侍御與君好謂研山 贈遠豈必雙瓊  
瑤歌成不寐搔短髮起看江月飛寒潮

東渚草堂歌贈梅八丈子翔

東渚草堂大如掌蘿軒竹閣清溪上東渚閒園半畝餘谿光樹影何森爽主人舊  
是子真裔掣電空羣許騏驎少年詞翰早飛揚未老巖林甘棄置門留三徑長蓬  
蒿坐揖吾曹論文字種蘭滿砌花滿溪遠籬叢菊無東西臨流抱甕手灌溉飲露  
餐英日杖藜我來十月花枝少做霜猶賸黃花好舊時兄弟盡零落獨酌花前成

野老興移得句襟，顏開碧雲暝。合呼餘杯卧病，三年身好在。掉頭萬事，歌莫哀歌。莫哀鬢已推好，束藏書堆列架。醉看鷗鷺眠幾回。

黃門高冢歌

萊陽姜給諫如農，明末建言觸忌廷。杖謫戍宣州，衛會國變道阻逾數年。始至遺命卒，塋敬亭山下。吳中士大夫私諡為貞毅。

謝公久逝杜韓歿，敬亭佳客能有幾。竭來突兀姜黃門，生愛敬亭死不已。黃門不是愛山川，憤切遺忠痛心髓。一杯之土五尺墳，明末孤臣某在此。平生骨鯁重如山，怒櫻虎豹號天關。身幽詔獄杖闕下，偷生豈復思人間。薄譴忽謫宣州戍，荷戈便踏江南路。時艱中道阻干戈，亂後重來已遲暮。國步雖移心未改，家園無夢歸東海。誓言埋骨敬亭陲，貞魂毅魄留千載。於乎魂歸閻闔將如何，欲就重華舊淚多。蓬萊水淺碣石泐，黃門高冢長嵯峨。

徐田東見遺石溪偃松圖蓋摹東坡墨本

高人揮秃筆，天地為軒輊。君不見此偃松畫者，誰鬱盤轉作干霄勢。前有東坡後石溪，胸中同此礪。石意官家宮闕童，千山爾獨長留巖壑間。詰曲杈枒飽霜霧，神

全節密多古顏於乎石公生前好畫與余善惜我未致驚溪網愛君古人心一片  
但願守此數相見

醉後為周雪客題松林抱膝圖

層巖怪石紛龍嵒老松鐵幹根青銅江天漠漠來長風誰獨坐者蒼山空老病看  
人眼欲白望氣知為周雪客豐頤廣額不尋常骨重神清愛山澤前年走馬長安  
市客舍高齋面秋水題詩一出驚公卿挾策行將謁天子爾翁意氣橫高天君

才豪俊尤少年願厨結客凡幾輩書畫經時又滿船春華方盛詩已老老成更數  
何人好二酉家藏讀父書蓼莪淚盡收遺草

君方輯先公遺集

金陵耆舊隨東流時人袞

袞徒公侯多君父子能好事殘編陳蹟時討求即今抱膝亦不惡脫手黃金未蕭  
索簿遊君自敬亭回北樓坐對銜金杯我來重酌秦淮酒倚醉同登周處臺才雄  
心小君努力暫時雌伏休徘徊夜闌拂袖題長句我亦山中尋桂樹

敬亭遊新安曹使君不至

山城新漲驅山去把酒含情對芳樹五馬雙旌望不來雨中花落春垂暮敬亭雲  
氣連天都索羣鸞鶴聲相呼不知此夕宛溪淚能到新安江上無

題劉緘齋樵客圖

倚青松踞盤石出入千山萬山碧世人皮相識不得山人故是江海客華陽學士  
心相憐五侯七貴皆前席白眼長安忽倦遊掉頭歸卧鳧峯宅於乎買臣富貴殃  
其身何如行歌長負薪

悲老牛

老牛躑躅心悲酸上嶺下嶺走新安新安諸嶺石齒齒淚盡蹄穿鞭未已吁嗟力  
不勝驅使行行入肆充甘旨此邦百萬多豪家炊金饌玉紛如麻一嚮不備亦何  
憾相恬成俗無咨嗟君不見黃衣入夢語爭傳又不見救母藏刀尤可憐殺業相  
尋緣食肉爾有大功人不錄昔時力盡為君耕今日忍棄供鼎烹不辭刀俎吞聲  
泣請君看取盤中粒

割蜜篇

避兵水  
東作

山蜜戎戎傍山屋列木作房相繫屬過午放衙飛滿檐花盡米花心不足青桂開  
殘叢菊黃戡羽藏身天欲霜持刀割取鑠子甲慘澹糾纏不出房強憑烟灼驅除  
去欲行未行心却顧不辭辛苦為君甜徘徊猶覓空房住爾聚爾族且莫嗔殘膏

露潤安爾身棄家骨月不違惜獨嘆流離烽火人

避亂偶遇見荒園叢菊方華慨然有作

主人灌園不出門手裁叢菊沿深村秋來叢菊花開滿主人避地留虛館人間萬事逐烽烟幾處青燐生井廬溪叟潛歸暫亡恙憑誰杯酒酌花前

酌水歌贈張兩水

酌水懽四坐請為兩水歌昔時共學並年少今日相看鬢已皤鬢已皤可奈何儋石雖屢空令名一何多昔汝大父維尚書銓衡手握澄水壺睥睨權璫能嶽立早愛青山歸五湖懿靖先生尤卓犖不官獨嗣盱江學中年戰勝兼逃禪鹿門妻子皆藜藿多君世胄貧不愁賣藥街頭韓伯休得錢供母苦不足便學何顛斷酒肉避人蒿徑隔山齋返哺烏巢傍茅屋尚書祠前水清妙錦樹丹霞相照耀君家三世稱賢豪萬事浮雲堪一笑請看闕閣存幾家回頭盡作風中花

關中房儀凡駕部初令新鄉有殊績及聞李賊陷京師痛哭山中不食死鄉

人私諡曰貞靖有表忠祠碑敬書短歌其後

文士館符能殺賊罷官聞難仍殉國義憤填膺死獨難吞聲絕粒無人識盲風動

地摧山丘如此孤忠那可得於乎鯨鯢得志龍髯悲正氣哀歌又一時史不特書  
里有謚千人墮淚表忠碑君不聞清渭之涯太華麓墓上寒猿時夜哭

大滌精舍圖

潛谷為湯  
巖夫畫

昨觀潛谷岳陽圖墨痕一掃天模糊林端縹緲丹樓出半涵煙雨浮孤蒲尺幅重  
看圖大滌林巒層階炯縷析拍空萬壑走長風拔地千峰暗雌霓問誰居者黃山  
樵湯自稱黃  
山樵者爰餌神芝鑿青壁坐邀天海盪心胸側聆松濤飛霹靂黃山樵者真

孤寡席門陋巷滄浪邊采薇晞髮無處所作碑賈字餐寒烟梅村學士不相識新

詩獨賞心為憐造廬結韉事雖已海日江春句已傳

湯有赭山懷古詩為吳  
學士偉業吟賞名遂顯婁東

逝矣淚如霰吾曹落拓復相見羽書日夜警關河帶甲縱橫滿鄉縣敝裘落日換  
斗酒烈士哀歌倚雄劍買山歸卧定何年但捲疎簾見江練黃嶽天都不可攀大  
滌誰當共往還夢遊天姥亦虛語眼前一步三神山但令此圖常在手相看大笑  
開心顏

寄天都許青巖

青巖舊有青藤杖生掣蛟螭馴倔強苦心割愛傾所懽作歌贈我餘惆悵亂來聊



躅扶杖行懷君望遠攀孤嶂側聞松竹都亡恙重倚梅花酌佳釀我不共飲可若  
何興來拍手為君歌丈人家傍黃山住山房却在臨溪處丈人愛向黃山遊飛策  
天都最上頭住山遊山心總閒雕鏤雲物窮仙山雪翁千歲成逸友山有老白猿  
人稱雪翁  
蓮花百丈開懽顏黃山峯勢千手指就中耆宿今餘幾詞賦家風傳二子眼前萬  
事堪老矣殘編自向碧山藏仙客還分石髓嘗南村潭上東風暖應有春雲滿竹  
房

松巖園短歌貽馬吉人

崇巖太古松俯視大夫輩借問盤空幾許長能繞橫枝出峯背幽人放眼凌華嵩  
會當置爾丘壑中松風謾謾溪雲合誰識孤吟拄杖翁

題金長真憲副小像

昔年同卧白雲樓醉吟並馬西山遊風煙荏苒二十載今日逢君仍黑頭細看此  
圖良不殊豐頤微笑疎髭手挈瓶花傍盤石懸巖倒挂青珊瑚清虛寡欲阮千  
里丘壑關情梅幼輿人生富貴誰不朽安得聲名滿人口使君五馬復千騎官達  
才多意良厚徧地干戈愁殺人披君襟抱如春酒薔薇花落坐新桐白苧歌殘橫

北斗當塗努力好自愛君差雄健余衰醜

汪蛟門舍人三好圖

謂書酒聲伎

丈夫寄興皆偶然要令懷抱垂十年擁書把醜列絲竹富貴何必非神仙不爾僵  
卧且止酒殘編短帙高歌傳吾愛舍人好才思縱無三者良快意竹西況復風流  
地雪色妖姬擅歌吹秦郵美酒吳閭書咄嗟充斥等閒事前年醉我燕市頭高歌  
月下解貂裘白門昨夜燈船曲嗚咽秦淮水不流可憐名士悅傾城桃葉楊枝舊  
繫情興闌閣會遣去一壺一卷娛平生孫老催強殊苦口大聲勸汝屏詩酒杜  
老戒書唾腐儒佯狂豈是高陽徒

孫約人杜村並有作

積書人多讀書少我愛讀書今已

老慚君詩思真涌泉被酒長篇疾如掃

金在五苦吟圖

謝文侯寫照陳無名補木石

陳郎作畫謝老寫生當風玉樹真神清獨坐綠蕉倚文石望中知是苦吟客聞君  
卓犖讀父書好客平原亦不如乘風破浪有長策肯學五言七字為腐儒君不見  
吾儕青鬢皆早疎

酒間贈鄭谷口

時谷口應敘八分及漢隸諸碑書法又被大司馬敦促入都

八分健手天下知，片紙尺璧傳京師。諸王列第遍題楔，五嶽名藍半寫碑。收藏富有羅百代，上窮岫嶺下李斯。篆籀銅盤及石鼓，銘刻重搜大子池。中年慘澹工漢隸，借問苦心摹阿誰。涑陽校官邵陽令，石門禮器皆神奇。以上皆碑名摩挲軟勁非筆墨，剝落金石光迷離。錦帙牙籤盡書畫，旁通不合兼軒岐。公侯延佇爭倒屣，車騎刺促無閒時。勞人作達轉清暇，解衣揮翰明燈下。匹絹殘賸氣槩礚，態遲勢速人驚詫。義急窮交不顧身，興耽古物寧論價。高齋別墅夏猶花，留我過從每涼夜。飲君卮酒顏欲酡，火雲滿眼鼓鼙多。單車見說燕山去，谷口閒園奈若何。

登清涼山歌

半生自向名山趣，解組中年稱情慄。北遊嵩少南武夷，一枝撐空破烟霧。世亂餘年仍薄遊，剝水殘山思坦步。無端一月坐秦淮，領客終朝汗如雨。籃輿忽舁石頭東，新竹微風散巾屨。到來不信是城中，突見匡廬峯下路。龍蟠虎踞何縱橫，邃壑層山莽回互。翠微亭廢翠微深，山頂宋有翠微亭江色天風曳遙素。巖阿古寺自疎鐘，舊是陳宮避暑處。六朝勝事總荒烟，三山寒影如浮鷺。巖棲川觀多幽人，望古聯翩足佳句。昭明臺在馬蹄多，玉局碑沉春草暮。山頂高阜傳為昭明臺，又有蘇文忠石刻，今不存。一拂祠西

峙講堂風雨時聞鬼神聚僧開高閣並危巢雲挂長松疑瀑布愚山老人作客便  
當此中住不然自捲殘書徑歸去聞說秋冬楓葉春桃花倘得重來定看十里江  
城盡紅樹

塞翁行贈吳岱觀

塞翁昔住西湖畔萬頃琉璃堆几案塞翁忽作秦川客萬里間關青鬢白作客差  
同杜老時分符正值關西儼官舍數椽鄰鬼火邊城百雉啼寒鷗三川小路新通  
蜀輪蹄日夜相奔屬廐中十馬九馬死官人走卒吞聲哭繪圖請命幾沾衣折腰  
早放淵明歸諸邊歷盡黃沙戍五月親看積雪飛此地古稱同谷縣子美哀歌淚  
如霰解綬還能築草堂題詩重為開生面君修葺杜工部草堂邑人有記翁歸自笑稱塞翁芒鞋  
布襪隨西東古來得失皆偶爾且作逍遙河上公

靈巖山

苔滿西施洞葉覆吳王井巖前對面碧湖灣美人留得蛾眉影麋鹿遊來池館平  
舊時響屨餘鐘聲粧臺洗盡看僧捨惟有春花歲歲生

徐健菴編修洗研圖

徐公健筆千人萬人見詞翰驚傳柏梁殿偶然休沐卧江湖麈尾閒揮看洗研珊瑚架筆金花箋賦就還應闕下傳誰知得意苦吟處夢在池塘春草邊

時仲氏果亭編修立

齊學士並  
官京師

七十二潭漁父歌寄贈陳確菴孝廉

吳江千里連雲樹漁父狂歌鼓棹去震澤周遭滄海深七十二潭定何處平生故  
是出羣才片言落紙驚風雷公車掉頭不甯上心輕萬事如塵埃桑田變後甘檮  
散白日飛騰忽晚抱膝橫經木榻穿繞堂種竹花溪遠向來偶作諸侯客老卧  
惟耽五湖宅龍威丈人得見無大澤羊裘空髮白蒲葦零亂楓葉殷寒潭倒浸湖  
上山彌望關河箭滿眼江頭幾箇釣船閒

王太常煙客先生作畫見寄報以短歌

余寓書先生初未相識聞作畫後數日臂痛廢搗管亦見先生老年特筆  
矣

畫家法變宋元後潑墨紛紛負能手太常一幅來婁江意遠神閒真罕有乍看僧  
巨然再觀癡子久晴山濕空翠輕雲冨林藪華頂天台恨未登見此使我心騫騰

峽裏飛流迴積雪松間細葉垂蒼藤先生甲第舊平津八龍七葉多聞人時移身  
隱歸着舊巢許臯夔無等倫少工書畫吐奇氣望古心追爭上駟中年惟作擘窠  
書老罷丹青倦人事誰邀異數苦經營是歲春秋八十四前賢折節收後生手書  
細作千餘字昔我視學山之東梅村為寫丈人峯刺水殘山走嶽瀆此圖氣象將  
無同側聞別墅冠吳中惜哉相望阻相從轉眼梅花照亭榭何時鼓舵披心胸但  
見高堂素障山千重

送欽州江允凝遊蕪江

山人生長黃山下一生愛作黃山畫殊松駭石非人間俗眼羣看盡驚怪天都仙  
窟真靈竒不經身到誰能知拂雲憶共蓮峯坐對酒曾橫鐵笛吹勝遊一步一回  
顧到今猶記題名處可憐亂後總荆榛回首丹臺隔烟霧宛陵舊友今寂寞鼓棹  
於湖興磅礴殘暮風生水石涼高歌夜醉天河落笑君畧識敬亭山欲往矐矐底  
未聞此別中秋餘幾日月明兩地各江灣

寄丘德俊大叅淮上是年七十

我昔同官爽鳩日先生平反稱第一及君出守漢陽時讀禮余歸卧蓬室風烟從

此各雜居幾度門前楊柳疎為政聲名滿中外那可相思無尺書漢陽絡繹疲兵  
革寨帷四望頭堪白穎川渤海最循良漢水楚江盡恩澤是時治行天下聞歸夢  
常思淮浦雲西方千騎且麾却故山叢桂多清芬古來富貴如飛箠丈夫要貴能  
行樂如君有子過八龍二龍詞翰為人宗曙戒如君得年已七十手把青樽髮如  
漆湖海元龍不可攀香山者舊心長間餘年且作歸田錄笑看沙鷗日往還

石公種松圖歌

畫是梅  
淵公筆

梅翁石公皆畫松倔强不與時人同石公飛錫騰黃嶽萬松詭異羅胸中竭來黃  
檠袈裟地便擬手擎雙塔寺廣教寺為黃檗禪師  
道場俗稱雙塔寺莖草拈成丈六身舊時雲鳥來  
依人金雞舞罷吼龍象種松欲徧無荒榛上人逸興多如此黃嶽千峯歸眼底高  
坐松陰自在吟役使神猿及童子客來笑把種松圖看取新松種幾株俄頃空中  
聲謾謾青天萬樹齊浮屠為問西飛黃檠歸來無

為饒景玉題畫

老我青鞵與布襪愛畫愛山都入骨近來小極懶登臨突向此中興趣忽石翁落  
筆來英靈三山五嶽歸毫髮願留坐臥十日看無數雲霞時出沒

樓毛行

田家飲泣罷為農，悔不將田全種樓。無苗高坐忍餓死，無樓榜繫千家空。可憐樓毛歲一割，割剝非時樓不活。況復山家種植稀，咄嗟那可飽搜括。官家作艦頻遣兵，樓麻聚斂盈空城。麻雖倍直土所出，樓非厥產從何生。羽書飛促勢倉皇，用三作一不相當。誰知轉自蕪湖買婦無完袴，兒無糧連歲兩河需。柳埽芻粟三秦重，荒耗普天萬國困。軍儲分在供輸復，誰告語卿忍淚且勿悲。人間禍福無窮期，不見西南戰地赤。殺人如草鳥不食，但令瘠土莫干戈。力盡輸樓死亦得。

有客行

殘松把讀長松下，有客來尋灌園者。采藥山童隔翠微，候門稚子驚車馬。停車贈我青琅玕，促坐論文抒肺肝。傍竹開尊復何有，臨溪膾鯉延清歡。昔我先人皆好客，洙泗高談浮大白。行觴子弟聚星辰，併日琴歌出金石。老夫十稔賦歸田，有官不換東山眠。削牘久慚事干謁，堆盤何計羅肥羶。以此養鹽光舊德，却看徒御少顏色。妻子笑余留上賓，無錢那合作官人。回頭語卿吾累汝，客去高吟聞四鄰。

芥茶歌



芥葉勝事真罕見脫畧茗柯作香片顧渚月峽趨下風倒戈羞與芥山戰芥陽絕

勝無多地寸壤黃金爭品第最老廟後稱冠軍紗帽碁檠亞兄弟其他有新廟後

手巾皮刀洞頂問誰造者唐與朱唐子晉苦宋日如心創獲前代無抑揚徐疾有妙理俄

頃能分氣味殊北海韓侯雉城長玉川遺事傳清賞刻有玉川石鼎金泉手自煎

小酌添嘗戒鹵葷就中甲乙難討尋賤耳歸求鼻舌心其甘雋永香蘊藉非蘭非

乳鮮知音時俗噉名吁可咤贖鼎偏矜尺璧價今年始擬供 至尊廟產摘盡餘

中下紛紛豪貴競徵求令君仰屋山家愁物色經時得一啜纔分半盞露枯喉山

是陽崖總砂石瘦吞雲日成芳潔廟後何偏奪地靈言人人殊莫能說幾處茶寒

善損神將花熏染香失真氣幽色白此柔旨大葉粗枝翻絕倫牙筍鎗旂春太早

月團龍餅添揉造桑苧天隨安可噉後來踵事今人好酷耽水厄癡則那我強解

事為茶歌芥園未到猶餘恨山靈妒我將如何余欲往登芥

### 渡錢塘留寄毛稚黃

吳山山下閉門久藥臼在傍書在手銷冤曾到宛陵書散病詎同湖上酒秋雨淫

淫木葉黃我遊甌海渡錢塘龍湫知有千尋瀑訝許江漲別恨長

大龍湫歌

白龍倒影垂青天，天河欲決成桑田。驚濤一瀉五千仞，曳為素練霏紫烟。遊絲小  
駐勢不下，奔雷迸射當我前。舉頭拍手相叫嘯，回風急雨爭喧闐。忽如玉女舞白  
紵，翠鬟長佩何翩跹。詎那關山好，眼詎那尊者關山有詎那亭孤亭冉冉來羣仙。我吞名泉  
胸八九，杖藜對此嗟老顛。靈源涌出雁湖頂，怒翻月窟稱龍淵。謝公屐齒不到處，  
榛迷徑塞重茫然。下注錦溪歷斤竹，東歸到海何時旋。憑誰拾取玉井石蓮子，種  
此湫底藕如船。它時騎鹿重相訪，會看十丈開青蓮。

施愚山先生學餘詩集卷之二十二終

施愚山先生學餘詩集卷之二十三

七言古

畫松歌為梅瞿山作

梅郎為我畫松索我歌古來畫松歌已多對君目賊奈君何但見修鱗巨鬣盤拏  
絕壑凌嵯峨咆哮騰虎豹怒掣奔龜鼉一殊突裂餘霜柯神猿健鶻不得上空  
壁立寒藤蘿高枝獵獵翻風去白日寒山愁欲暮斲藥長鏡客有無前峯木末橫  
烟霧同時畫手老禿翁謂半山往往揮毫共奇趣世人不向黃山遊眼中那識真松  
樹請君酌酒且論詩休遣人間喚畫師梅郎掉頭濡墨稱不疲公孫大娘舞劍器  
朱亥壯士揮鐵椎丈夫毫氣亦如此何妨縱筆走蛟螭大笑山巔與水涯

賣屋行

老翁名姓君王識徵書屢下辭不得巾車欲發囊無錢宦田稅重誰買田數椽舊  
喜依山住減直今甘脫手去猶說官人反覆多縱買華堂難久據庭前榴樹正開  
花眼看已是他人家

觀宋牧仲比部家藏賜畫歌

宋侯世胄稱詞伯，網羅墨蹟有奇癖。自矜手眼會摩挲，家藏賜畫皆拱壁。錦囊繡帶重包束，堆案黃金不肖弼。臨登江關要我看，訝許光芒滿書屋。玉女湘娥翩絕倫，瓊姿奇服難具陳。精移神駭看不足，諦視方知是洛神。注目寒巖展毫素，岱宗東望海雲來。小春暖放梅花開，鳳毛五色紛滿眼。萬事高歌酒一杯。

對雪酬田芾園長句

車馬塵中倦紙筆，投詩報一常。逋十霏霏雨雪永，今朝長句驚看氣橫出。未論彩翰灼雲霞，早覺深衷託膠漆。長沙痛哭非此時，且可擁書送白日。昔君作客重平

津，文章甲乙何紛綸。見推吾賦亞潘陸，

曾客魏相國邸選刻詩文亟推吾粵江賦

意氣相親非眾人。升

沉雲雨多翻覆浩蕩江湖從隱淪。為園不少萬竿竹，入饌那無千里蓴。如何被褐來金門，借騎欸段愁逡巡。拂風折翼公車久，捧檄掉頭無五斗。豈真詞賦解窮人，能令萬事俱不偶。一日君王問長卿，賣文還有黃金否。雪後西山滿眼明，判解鷓鷯沾美酒。

為喬石林舍人題扁舟看花圖

無數青山天際起，白雲橫曳山松裏。花滿東風雲欲飛，扁舟誰坐看春水。君之先

公真御史舍人墮地成才子文賦揮毫若涌泉眼底如君復有幾燕山雪霽柳條  
新射陽湖漲桃花春不知天上含香客何似花間倚棹人

次韻李武曾見贈

詞人腕弱如茅靡健手千鈞禹可扛我薄雕鐫復哀晚無鹽老女醜無雙攜李李  
君有佳句攜來翦燭哦西窻塞北黔南歸杖屨風流意氣聯友邦新韭黃芽小開  
酌高言碎語如翻江比舍汪喬勝二仲汪鈍翁舟次喬石林文詞瓌麗人敦龐談經欲據臯  
比坐策足思撻天馬繫燈明竹葉汎菴椀春近梅花撲玉缸窮愁韓孟角險韻大  
呂洪鐘相擊撞滿眼緇塵好誰向須遊海嶽逢仙幢踟躕駘駒不得去五湖間煞  
烟中艘奇兵銳卒火牛出坐看七十堅城降夜闌吟罷且酣臥天風颭颭吹銀缸

黃芽菜歌

萬錢日費鹵莽兒五侯鯖美貪饕輩先生精饌不尋常瓦盆飽噉黃芽菜可憐佳  
種亦難求安肅擔來燕市賣滑翻老米持作羹雪汁雲漿舌底生江東尊膾渾閒  
事張翰休含歸去情

京邸寒夜戲題惱豹人起用其集中語

娶妻當得如西子，娶妾當得如莫愁。看君狂興有如此，那可空牀獨臥悲白頭。胸中撐拄幾千卷，細故悲懽那在眼。粗才莽氣橫飛揚，百折迴腸時一展。君不聞杜陵拔劍斫地歌，西京野老奈爾何。

李相國示心遠堂集奉贈

鳳城滿眼多高位，誰存灑落滄洲意。高陽才子今元老，俯視青雲獨孤寄。示我山堂詩一編，三山五嶽蟠曾次。於乎古來作者有深義，篇章不獨矜文字。先生經術本闕深，短歌長句皆瓌異。郊居雜述憶田園，詠史秋懷橫涕泗。中間折衷及風騷，異曲偏師安位置。我昔獻詩良草草，汎愛殷勤輒言好。枉答瑤華亦偶然，春風一日生枯槁。雨散雲飛二十年，吹噓重集長安道。不信洪鐘憐瓦缶，寧知溟渤收行潦。對策誰能比仲舒，虛名竊恐如殷浩。高秋綠酒坐園林，風議澄懷接蒼昊。感公知己非眾人，不敢恩公甘跡掃。連年蠻嶠愁鼓鼙，山多豺虎海鯨鯢。聖皇側席尚文治，欲綏印契來雕題。我公委蛇叅密勿，天旋日轉無端倪。才雄心小思遇重，卿雲颺拜翻含悽。禮闈羅盡天下士，龍門清峻誰攀躋。腐儒愁疾將杖藜，軟塵對面迷東西。寒梅欲破忽惆悵，雙柑苦憶聽黃鸝。迂疎那稱平津客，只合長錢歸舊

谿

戒壇二松歌 并序

戒壇寺庭二古松東一株尤奇高哉及人便禿頂橫撐偃庭破壁余用虞伯生目松之語呼為支離叟又寺外南麓一株通體作偃蓋可蔭數筵舊稱松棚余輩藉草淹酌其下酌酒笑曰翁婆娑甚矣因命之婆娑翁作二松歌紀別

支離叟婆娑翁老夫西山三日過問我所得惟二松叟居戒壇紺殿東橫斜百尺走羣龍雪壓一枝西斷折出入小放中庭空翁踞南山最高麓一畝低覆陰龍葱主人置酒成四坐白日不到生長風礫砢神物故偃蹇盤旋百變爭天工松乎松乎吾老去汝將奚從君不見慈仁寺裏蒼虬凡幾樹蹴蹋苦遭市塵汗何似山中攬雲霧

送毛會侯還祥符

時以博學鴻詞  
召試不得志

柳花乍逐東風飛燕山草綠春已稀游子思家正惆悵故人却向大梁歸大梁作吏神仙客鴻筆聲名動鸞掖文園獻賦舊凌雲丹陛談經應奪席幾度銜杯共御



溝有時並馬西山遊上書昨日不見收釣竿歸憶嚴灘頭劇邑專城殊不惡飲水  
三載偏蕭索絃歌且看河陽花寂寞何如天祿閣

送董蒼水

野客愛江海躑躅愁長安一樽歌別曲四月商飈寒君昔寄詩滿紈扇到今頭白  
懽初見春水遙連三泖深誰信相思淚如霰當陽 聖主渴賢才聞君高臥機山  
隈詔書絡繹搜草澤詩篇叱咤生風雷車馬黃埃那可歇交游冠蓋喧城闕花筵  
縱飲數論文燈市聯吟曾踏月晨夕招尋通巷陌朔風忽送南歸客江鄉歲儉興  
難孤舊釀牀頭餘幾石眼前詞伯紛蹉跎自言垂老變風多倦遊閩粵復燕薊長  
悲烽燧思烟蘿於乎似爾不悲將奈何雲間故人寥落久梅花書屋思老友謂吳六益  
無計從看黃浦雲臨歧恨折青門柳

華山歌贈王山史

華山突兀凌八荒仙掌擘畫摩青蒼洗頭盆水瀉銀漢斜挂星辰森在旁攀絙直  
上幾千仞俯看海日生扶桑韓愈當年驚眩處昔為絕險今康莊誰能羅致歸戶  
牖瑯琊先生有草堂霞舉烟霏何爛熳杖藜散帙隨昏旦奔騰腕下走鍾王研索

牀頭窮黎象安車強起棲僧閣夜夜山中夢紅藥蹀躞金門嬾上書公卿縞紵還  
垂橐先生豈是塵中人披帷懼就多逸民所懼顧况尤比鄰謂亭林先生華山不作終  
南選看爾三峯頂上身

己未夏家園老梅作四花余適同孫子立茆楚畹高阮懷並官翰林里中梅  
淵公諸故人作瑞梅圖歌索和漫題其後

金門客子苦棲遲故園梅發花幾枝花開不是梅花時青梅結子久垂垂園林此  
事亦罕見俄傳盛事爭稱羨花枝人數適相符四子同時登翰苑主人愛聞不愛  
官可憐親舊滿堂歡繪圖作詩侈花瑞封題卷軸來長安老梅樵悴非奇樹餘花  
再發人何與偶然作異轉傷心當年吾叔高吟處特艱才盡徒咨嗟不待秋風便  
憶家三人少壯予獨老剩有星星兩鬢華

貞孝歌為吳庶常母夫人

昔我交延陵倔强好詩格竭來同燕山披襟露肝膈隴頭早梅寒未花石門才子  
思還家宮衣暫作萊衣舞滿堂動色千人誇談遷彪固皆相繼雕龍世擅尋常事  
惟母聖善 幼勞伉儷忠貞動天地憶昔先公官石渠抗手請纓雄萬夫虞淵忽

悲白日墜一身殉國無踟躕母將雛鳳方黃口官舟聞難吞聲久捐生舉體付龜  
鼉強活回心事姑舅漂搖亂後可奈何萬事悲辛黃鵠歌杞梁有妻保有母昔也  
授書今鳴珂荏苒流光週甲子懷水茹蘗逾三紀綺筵此日酌金樽魚腹當年甘  
海水我今與令子虎觀偕翱翔願將明月為母佩虹霞為母裳挹鴛湖以為酒把  
天目以為觴看我作歌歌洋洋千春彤管垂光芒

宋既庭孝廉南歸追送以詩

一年並轡燕臺遊苦憶銜杯醉虎丘微車獻賦不稱意掉頭溝水東西流前日送  
君過清苑逾月重看故人面今日聞君歸故園籬筵不及春明門眼前萬事總銷  
魂吳中著舊幾人存高枕著書元不惡目極江南紅樹村

和田子綸水部移居元韻

載書何必三十車牽船住岸亦為家才雄官冷耽坐嘯身隨鶴鷺心麇麇避喧狹  
巷蹴茅屋虛檐煖處安蜂衙藥臼茶鑄足位置天然曲几容橫斜犢鼻偏嗤南阮  
富俸錢小買東籬花牆短遠山見秋色那無浮柳可藏鴉滑稽暫爾金門隱佯狂  
羞作漁陽搥幾輩朋來競高唱不妨鼓瑟驅靈媧

健松齋歌贈同年方渭仁編修

空庭老松攫雲霧一老徘徊朝復暮借問含情奈若何主人舊日親栽樹風塵瀕  
洞橫干戈園館丘墟穴狐兔神護鬼呵知是誰霜皮鐵幹還如故先生有子今鷓  
鷯承明簪筆春華敷衣冠甲第韋平後詞賦風流揚馬徒此時此樹森在眼回首  
故園私踟躕風木雖悲手澤在看松不與老人殊於乎礪砢神物千年好方君孺  
慕天下少

一草亭歌

秋浦吳次尾先生樓山草堂之前舊有暫亭既廢今其子子班復之沈徵  
君題曰一草亭聊寄短歌

樓山老屋藏書處黑風怒捲白日暮天憐斷木餘根株堦前突出凌霜樹昔留萬  
軸今一亭遺草猶含碧血程江月山雲愁不散長護亭前書帶青

題姚羹湖畫卷

姚官滇海陷賊中拔身  
來歸作山居圖見志

塵中白日眼模糊謁客重城喘未蘇矮屋纔高六七尺青桐恨少兩三株長夏炎  
蒸欲大叫祇應舴艋眠菰蘆誰寫此卷幅盈丈毋乃萬里江山圖野渡村帘見毫

末空天古樹何扶疎傍水人烟接隴畝腰鎌川黍者誰與層峯千仞忽壁立拂雲  
倒挂青芙蓉親經劍閣復洱海筆力故與他人殊浮廬老禪吾舊友自詡浮山天  
下無謂藥知君丘壑有夙好一官轉徙罹艱虞脫身虎穴來闕下驚看霜雪侵鬢  
鬢不敢便乞歸田廬揮毫十指爭樵漁慈仁寺裏喜相見好向旗亭傾玉壺 聖  
朝解網寬遐馭孤臣會見恩霑濡但恐猶憐子卿節未許先耽賀鑑湖

題江青園前輩廬墓圖

長六  
尊公

我失雙親初毀齒不成負土悲未已誰能血淚染松楸戀慕衰年如孺子昔聞大  
孝江次翁祇今又見青園公神呵鬼護手栽樹巢烏夜夜啼天風千載墓門人下  
拜真州之北邙江東

為戴楓仲題丹楓閣

掉頭苦愛青山住擔簦偶踏長安路眼前突見層雲陰盤空草閣巢楓樹關西者  
舊不離口華岳三峰擎在手老楓相伴寒不枯肯許風霜落葉無

送陸水修歸海寧

大陸詩傳京輦徧滿眼公卿希見面聳肩抱膝短長吟羞把文詞覓推薦東西學

士苦相留一朝興盡成掉頭手攜襍被捲書畫出門便欲凌滄洲君家舊業連東  
海楮山翠壁爭礧磊捲簾几閣坐風濤盪胸日月生光采誰能破浪斬鯨鯢含愁  
攘臂號真宰昨年邸舍吾比鄰袒跣相索無昏晨東亭看月許真率謂集阮亭狂  
侍讀邸中狂  
歌雅韻何紛綸新聲共道諧金石吾愛開襟見水雪酸風苦雨不嫌多怒流直抉  
天河裂於乎交道今何如與為輕薄富簾疎縱令交盡天下士不如自著枕中書  
庭前秋色催碧梧送君斗酒那可無歸心我亦懷東吳莫忘江頭雙鯉魚

奉和葉閣學題院壁

風吹不埽門前沙老槐蔽日成槐衙瀛洲亭廢池水竭灼爍不見芙蓉花高堂廣  
廈舊書屋石渠藜閣稱仙家到今燈火久寂寞幾人夜直聞宮鴉先生鉅儒親講  
幄獨陳絕學搞天葩分曹舊簡命筆削願洗瘡痍親搔爬樂饑日費太倉米病渴  
猶霑金椀茶網羅放失憎老眼狂來疊鼓思參撾龍門迷作已千古此事那能無  
歎嗟汗青何日羣公在還山倘許餐朝霞

貞靖祠堂雙白松歌

嵯峨山下雙白松二龍天矯丹祠中高枝遠接終南雪密葉長翻渭北風正直憑

依人下拜婆娑父老走兒童問祠者誰樞部公平生勁氣凌飛虹事去龍髯攀不  
得吞聲絕粒悲填胸抗節深憐歿草莽貞菟直上排蒼穹鄉人俎豆令子痛手哉  
佳樹標遺忠關中植此良不易霜柯廿載成青銅盤鬱心知資地力扶持敢謂非  
神功枯荊可茂木連理君親結念天為通華岳垂雲作霑漑故滋鐵幹森菁蔥於  
乎武侯廟前千尺栢白松白松將無同

為高念東侍郎題衡山雪卷

雪樹合杳冥千山失翠屏何人住茆屋獨坐餐清泠平生不省因人熱自信前身  
許泉石有時拄杖躡孤峰俯視茫茫供眼白煨芋空山釀老春前村幾處梅花新  
誰知鶴鬢騎驢客別是人間冰雪身

徒步行

東安門外許肩輿東安門內止策騎入門半里史局開徒步往還渾閒事窮交况  
有兩三人攜手同行且稱意旁人大笑官可憐天街雨後尤迤邐連東鄰有馬駝數  
借蹇驢欲買無青錢道逢列駟來喧闐避塵側足看高天我昔山中躡芒屨竹圃  
花溪甘寂寞忝竊乘軒三十年召試還登石渠閣東方曼倩腹長饑國子先生齒

已豁 聖主殊恩錄侍臣尚書筆札給來頻特詔分曹事編纂旁搜散牒何紛綸  
但恐千秋無信史那知一日愁官貧昨夜西山灑微雪朝來爽氣逾鮮新腐儒衰  
晚精力盡短詠長吟忘苦辛君不見杜陵拾遺亦徒步當時裘馬同飛塵

同諸公陪侍葉閣學先生集黑龍潭卽奉和寓舍對花歌韻

長安春色不可見時買花枝着眼中籃輿出門騁野興春風無數芳林紅名園頗  
存濠濮意人物畧與蘭亭同先生袖出看花句驚才絕艷爭天工黑龍卧鬆雲昏  
靄黃鸝轉日聲冲融高臺別墅連咫尺西山翠嶂橫簾櫳論文永嘯傾四坐開襟  
緩酌須千鍾恨少金樽桑落酒酣歌醉倒玉山翁共覺臨流思畫舫不妨趁客有  
遊蜂經年講幄侍密勿殘春休沐聊從容人生高會感知己追惟一日良遭逢道  
存丘壑豈荒宴風光欲暮憐花穠青峰萬古看不足躡屐還應憶謝公

豐臺看芍藥歌

是日劉蓮菴舍人攜酒率  
爾招同阮懷雷岸兩同館

屢約尋花遊未果驟喜良朋堅促我花茵十里渾無賴百數翻階紅幾朵尚書滿  
灑有孤亭宴會偶閒容客坐好風貽蕩香滿衣隨意清樽傾白墮燕山莫問黃金  
臺眼前且看叢花開一歲牡丹先落盡三春忍復遣空回慈仁偃松久斷折韋公



西府已蒿萊帝京奇樹稱六七見帝京景物畧繁華勝事餘荒苔即今西南猶戰鬪那免  
憂樂私徘徊請君痛飲歌莫哀母使花前白髮催園人摘花如摘菜日日擔來城  
市賣花多全不恤花稀賣花聲裏春光歸

為鄭瑚山舍人輓其先公寶水叅憲

昔游金陵逢舍人論詩共醉青溪春舍人叅畫親王幕側聞世胄本名臣今年為  
我述皇考卓犖淹通稱國寶早上公車困禮闈詞林待詔聲名好一朝薦起騰銓  
曹亭亭玉樹清風高戒絕苞苴却私謁千金擲去等秋毫是時國步正艱難不惜  
朝廷止惜官王章封事日慨慷賈生痛哭徒辛酸東南烽燧忽如霧轉眼叅藩國  
事去王臣縱有荷戈心憲使已無駐節處瘴雨腥風密著中依棲不避熊羆宮解  
組潔身從間道著書滿屋成老翁聖世沉淪三十載耆舊弓旌或可待終南掎徑  
羞投足石田農圃終滄海於乎丈夫不幸真可憐吞聲抱志誰與傳古來義士亦  
如此舉頭往往號蒼天猶喜老蛟舊窟風雷纏二龍躍出爭蜿蜒

醉歌寄研山開府

君不見泰山雲起丈人峰俄頃雨澤沾寰中又不見杏壇古木摩蒼穹車服禮器

猶雍容問誰主者維吾宗建牙東鉞等解幪當年柱史秉花廳心函水雪臨河東  
俄稱獨坐氣何雄東巡特簡由宸衷稜稜玉尺橫磨礮百城坐嘯生清風戶賑人  
露憫歲凶噓枯回槁分天工有時白簡如霜鋒一聲霹靂驚羣聲乃陳俎豆集章  
逢鼓吹文字撞鐘鏞今年正喜黍稷豐比屋無憂杼柚空不妨魯酒揮千鍾憑山  
臨海配顏紅我昔視學思無窮尚想躡跡河汾公謂薛文清葛藟異地情相通惠連把  
臂開心胸祇今歲序如飄蓬安得策杖一相從或騎白鹿鞭蒼龍共聽清泉十二  
聲淝淝

夷門

駕言尋夷山夷山不可見徙倚城東門城郭亦屢變侯生七十隱抱關虛左誰迎  
上客還擊秦救趙亦徒爾英聲高義驚人間狗屠烈士何紛紛魏寢隋堤空夕曛  
惟有英雄心不死荒祠長弔信陵君

王給諫招集祝氏園林

是日同阮亭健菴果  
亭舟次蛟門城嶠

一春無日無風沙昨宵微雨今朝霞城南窈窕好園館攜壺並轡來看花白晝陰  
陰楊柳綠梓澤蘭亭畫一曲孤嶼回溪面草堂攢雲疊石成書屋就中縹緲飛丹

樓簾捲西風在上頭主人況是王給事相將直作輞川遊去年與客同登臺今日  
追權取次來狂思白鹿騁五嶽老憶青山倒一杯四坐高談不得住尊酒纔酣春  
欲暮多少游魚唼落花行吟細繞池邊樹

走筆用韻答沈客子見贈

鬢殘願學滄浪翁羞見桃花照眼紅何來詞客入京洛皎然玉樹凌天風才鋒不  
數三語掾腹笥直並五經筒彩毫濯出蜀江錦健腕鑄作首山銅投詩爛熳滿朝  
貴苦心追琢推良工公卿傾倒筵上客聞樽列坐金絲絨春華絕艷今所少刮目  
那敢呼吳蒙誰是昌黎重昌谷鴻詞且獻蓬萊宮

送汪舟次檢討冊封琉球

九州丘壘海為坳人生牖下如蟻螭眼前馬首皆風濤恨不乘槎萬里潮海隅日  
出歸神堯分圭錫命仰天朝皇華特簡稱人豪諸侯負弩擁星軺牙檣錦纜隨  
靈颺如山巨艦輕鴻毛玉節龍旂光氣高鞭蛟馭靖不敢驕島嶼蒼茫紛動搖扶  
桑咫尺森高標安期松子來招要珠宮貝闕浮烟霄橫空鰲背凌山椒噴沫長鯨  
風雨交伐鼓中流吹玉簫淵客陽侯驚叫號天清浪靜無塵鷺澄波萬頃堆瓊瑤

鮫人出舞呈水綃殊方屬國迎旌旄曰臣北面瞻斗杓厥貢珊瑚兼寶刀任生長  
嘯且釣鼈聞看風物紀風謠往來破浪歌蘭橈海賦玄虛將見嘲

瓦上兒

健兒如鳥生雙翅飛騰屋瓦等平地漫漫長夜夜憑陵挾彈乘塙恣虎視短刀長  
箭胆氣雄嘯侶鳴儔風雨至明燈倒篋迅須臾相載臨行復飛騎爾曹豈果迫饑  
寒剽掠椎埋矜故智羣行劍戟聲相磨街頭擊柝故鳴鑼豪門健僕或格鬪儒官  
拱手看搜羅衣被新從質庫出一時將去寒則那語卿飽颺休酣歌趙張執法汝  
奈何噫嘻趙張再出當奈何聖朝解網恩波多

施愚山先生學餘詩集卷之二十三終

施愚山先生學餘詩集卷之二十四

五言律

出郭

出郭見春色春風來幾時  
緩游貪日永留賞願花遲  
藥問山童種尊從野老移  
行看南圃竹新筍過東籬

春雨卽事

春雨乍陰霽殘花半有無  
林鶯愁不語水鴨喜相呼  
著檻圍庭樹分沙養石蒲  
蒼翁相問訊田舍已江湖

春暮

積雨閉天地初晴已暮春  
長歌花落徑獨步鳥隨人  
海嶠思尋藥湘湖夢采蓴  
那堪聞戰伐回首是風塵

太白祠

太白騎鯨去空留采石祠  
當軒千里水遶屋萬松枝  
山月長清夜江雲無盡時  
誰將一尊酒把臂共論詩

燕子磯

絕壁寒雲外，孤亭落照間。  
六朝流水急，終古白鷗閒。  
樹暗江城雨，天青吳楚山。  
磯頭誰把釣，向夕未知還。

山亭

山亭溪色裏，喬木散秋陰。  
果落跳松鼠，萍開過水禽。  
入林蒼徑滑，隔岸數峰深。  
一坐移清晝，悠然物外心。

三天洞

中有三牖上見天日故名

一徑穿雲過，三天入洞開。  
仙宮窮斧鑿，龍窟走風雷。  
日抱松根下，泉通海眼來。  
幽棲何代客，禪坐有荒臺。

秋夜送楚客

酒盡暮江頭，歸心水急流。  
月明分手夜，風逐去帆秋。  
客裏添新鬢，海陽憶故邱。  
前途君自愛，寒露滿汀洲。

山中掘得小古鏡

菱花作蠟翼，磨滅到人間。  
神物出何塚，清光寒一山。  
銘餘蚪蚪迹，血蝕鷓鴣斑。  
多

病愁摧鬢憑君好駐顏

玉山寺書壁

山近故園好年來到亦稀迴峯陰寺閣深竹靜巖扉沙鳥下庭立風帆隔浦飛沃洲亭畔路坐見白雲歸

天逸閣尋邢孟貞是亡友梅朗三故居

虛館孤城外春帆送客來獨憐芳草地頻上故人臺夜月雙溪滿晴雲疊嶂開鶯花仍不減腸斷為誰哀

雙谿草堂

僻性逐滄浪雙谿一草堂亭穿叢篠曲潭漾雜花香錦石支書架垂藤挂藥囊扁舟將汗漫誰與卜行藏

敬亭雲齊閣同孟貞

連峯深翠合傑閣倚林端盡日孤雲在青松滿院寒江城晴入坐今古醉憑闌不是同心客何人共此看

郭瑞屏過宿荒園



握手春風暮當杯莫放停雨餘雲滿席夜久月移櫺  
筍歲遶鄰叟松蘿覆草亭陶  
陶同永夕簾外曉峯青

水東

一路花開落孤鶯柳外鳴水飛懸嶂裂沙擁斷橋平  
農圃沿溪灌郊原見鹿行相依有親舊卜築好躬耕

永慶寺送孟貞歸石臼

殘春悲遠別小飲不成釀客淚看花落鐘聲帶雨聞  
山鶯知遶樹野鷓自離羣歸去孤舟路江潭盡暮雲

遲王公措不至

繡來惟謝客為爾倚衡門花亞巖中樹烟橫溪上村  
看山先蠟屐留月待開尊讀罷新詩後疎燈聞夜猿

偕劉潤伯舟發東溪

時將過吳門

句水新秋漲孤舟逸興同帆高分雁陣濤響合松風  
野店寒烟外山城夕照中吳洲行處好猶未落江楓

買舟避兵

偷生何處得水國靜悲加萬事數行淡孤舟八口家隨風依岸柳載雪隱蘆花不  
是尋源去虛疑博望槎

栗園何氏山莊

栗園地名  
在水東

野靜寒烟薄秋深暮景斜清泉逢谷口老樹識山家餉客霜林果登盤磗圃瓜村  
翁還揖讓不媿灑溪涯

袍笏嶺

避地寧辭險攀蘿得徑偏陰巖風嘯虎半嶺石參天獨木立寒色羣峰交暮烟干  
戈歸未穩惆悵白雲邊

亂後和劉文伯郊行

斜日照荒野亂山橫白雲到家成遠客訪舊指新墳戰地冤魂語空村畫角聞相  
看皆墮淚風葉自紛紛

暫歸雙溪敝廬

客久斷音書重歸感舊居魂招征戰後淚似別離初鼠穴呼兒塞蒿園借火鋤艱

難疑去住敢信是吾廬

哀族叔汝毅罹兵難

全身無早計蹈刃復誰憐  
歿後遺書債生前乏酒錢  
癡兒甘失學孀母怨長年  
喪亂猶如此魂歸何處邊

早春聞子規

柳條綠未遍已有子規啼  
春色此中去行人何處迷  
繁華芳樹下世事竹林西  
向夜含情坐空潭片月低

哭妹婿梅起聖

萬事君都已孤墳我獨悲  
有生惟卧病臨訣尚留詩  
年弱憐吾妹啼多抱汝兒  
瓊枝折太早零落竟誰知

吳季野若金見過因同哭亡友祖洲

亂後幾人全相逢溪水邊  
瓢流詩卷去壁任野藤穿  
聚散成浮梗存亡逐逝川  
山陽遺宅在聞笛一潸然

聶輯五明府晚宴藉山亭

清夜飛鳧寫華燈勸鶴觴歌翻白苧曲坐泛碧荷香傲吏親書卷秋山入草堂從  
來習池好倒載興難忘

喜遇葛元士

歲晚滄洲卧懷君未易尋三春風雨盡一徑水雲深老積驚人句窮堅避世心素  
交離亂後一醉北山岑

九日登玉山同沈永清

嬾摘籬邊菊還尋溪上山當杯萬嶺出欵帽兩人閒寺磬叢篁外村烟亂水間眼  
看楓葉老一倍惜離顏

與王北京同年宿敬亭

不辨翠微色秋山紅葉重褰裳隨去鳥拄杖倚孤松人卧半牀月風傳萬嶺鐘曉  
攀天際閣目斷白雲峰

重宿句容崇明寺

舊識僧都盡重來客惘然空階雙樹老孤閣一燈懸塔隱寒雲外山明夜雪邊華  
陽仙洞近高卧定何年

醉翁亭

上有古梅稱歐陽公手植

水石潺潺處孤亭曼曼西松雲陰覆瓦山靄碧連溪古樹千年在嬌鶯盡日啼誰堪同一醉歸路不愁迷

答楊生俞之

十載論文倦追隨覺爾賢分燈消永夜持粟購殘編世難安儒術年荒倚石田苦吟吾自癖莫漫向人傳

頓坊夜發

羣動息中夜勞人思早行馬嘶鄉夢斷月照客牀明出堡頻呼伴停車各問程馳驅今已慣不敢怨宵征

將次琢州值烈風

已墮關山淚那堪行路難風回摧戍堡沙聚沒征鞍劃地龍蛇鬪飛空雨雪寒黃塵愁極目咫尺蔽長安

慈仁寺松

直欲凌風去翻從拂地看摧殘經百折偃仰鬱千盤老閱山河變陰兼日月寒支

離爾何意不厭卧長安

送汪顯若發若下第歸江南

憐君兄弟好射策壯心違且酌江頭酒重開竹裏扉  
草隨征馬綠春與故人歸  
業陽坡上朝朝依翠微

真定道中

白日孤城閉黃沙古道迷風鳴關塞北雲斷海天西  
歸路看烽火生涯信馬蹄  
故園楊柳綠幾處早鶯啼

張旭之下第南歸

萬里成聯騎離亭送獨歸  
懷才寧失路忍淚復霑衣  
前北柳初發江南花亂飛  
老親雙健在調膳及春暉

晚渡黃河

日落渡黃河相逢半負戈  
漲泥尋路少孤店拒人多  
疏鑿思前烈隄防總逝波  
年年沈璧馬無計斫鼃鼃

興教寺閣

亂離存古寺僧少磬聲微今日高樓坐正看桐葉飛  
秋陰庭樹改夜雨客心遠  
見江帆影行人何處歸

七里山尋徐九

谷口逢僧問山頭見爾廬  
編籬門徑曲面圍野堂虛  
半嶺存孤寺諸泉到一渠  
桃源成獨往莫使故人疎

得邢孟貞書

憐君作客老轉說住家難  
歌豈甘彈鋏狂應厭釣竿  
甲兵天地窄袒褐雪霜殘  
惟有湖中月年年耐獨看

移居東郭

偶卜城東宅臨流有石臺  
潭烟依檻集山色度溪來  
蠶月桑枝蔭鶯時柳葉開  
先人敝廬在佇望獨遲回

谿漲

谿漲全無岸沙田又可哀  
舟航浮郡郭芹藻冒樓臺  
過雨重雲黑奔雷動地迴  
蛟龍橫得意白日向人來

乍霽

乍霽衆山出登樓散客愁  
濕雲歸未盡騰水斷還流  
溪暖銜泥燕林藏喚雨鳩  
田家憂不細二麥已無秋

懷顧與治秣陵

六代衣冠地風流盡屬君  
論交千古士卧對一江雲  
竹館春陰合山城夜雨聞  
知音已零落何事復離羣

入華陽

華陽高百仞絕頂倦登臨  
隔嶺通文春遙峯接武林  
雨從山半落日在谷中陰  
却愧蘇門嘯空聞鸞鳳音

二

華陽苑氏烟  
火連數十里

吾宗卜築好村舍徧郊原  
雲氣人烟亂牆陰虎跡存  
栽花連粟圃接水灌茶園  
共看羲皇意深居可閉門

力疾赴官比部奉別家叔父

辛卯

抱疴甘伏枕語別即沾巾  
風雨殘春路關河獨去人  
無才安宦拙寧儉補家貧  
祿



養嗟無及吞聲憶二親

雨泊蕪江

鳩茲烟水地春盡重淹留  
皎月何時見孤帆永夜愁  
漲江來楚蜀寒雨動林邱  
謝眺青山近淒淒暮草秋

張耒初吏部園林

平子歸田早于湖傍碧岑  
欄花聞竹外浦樹落庭陰  
杖屨天門健文章楚水深  
相憐贈香草別後故人心

懷侯韓振蓋山

貧苦日相共宦游天一涯  
有官真似水無夢不還家  
五嶺來山瘴孤城接塞砦  
別離春已暮多恐鬢將華

江口三昧菴

時泊兵艘  
僧皆閉門

日日旅愁新尋幽及暮春  
老僧留過客芳草伴聞人  
戰艦徵兵日文圍抱病身  
江山連杖屨不厭往來頻

鷲峯寺寓

曲徑秦淮畔精廬驚嶺間夕陽沈積靄空翠見前山無事客疎放能詩僧住還青  
溪好明月夜夜照松關

淳湖尋邢景之

四海倦游後還疑汎愛非寸心如落木逢爾復春暉移榻連蔬圃烹魚出釣磯清  
惟成信宿不是醉忘歸

河上逢人歸故鄉

聞語忽沾裳知君是故鄉舟中頻換月水上易為霜山過淮南遠天隨薊北長裁  
書尊酒畔分手恨河梁

舟曉

曉夢鄉關裏俄驚鼓棹時鷄鳴知市近岸轉覺舟移雲樹分曦早江村出霧遲釣  
船魚喚買恰稱及晨炊

登張秋戊己山

渚岸一峯出林端萬木齊荒臺臨埤堦古廟鎖蒿藜地闊河流細天長岱嶽低夕  
陽催客下野水亂東西

月下懷賦得沿月棹歌還

月明無近遠一見即沉吟  
况值孤舟夕難為游子心  
清光連極浦逸響激空林  
此夜思君意江流孰淺深

夜值西曹

吏散秋官署吏闌夜氣清  
疎簾寒燭影急柝亂砧聲  
露下圖扉濕天高貫索明  
平反誰執法竟夕獨含情

郭漢卿庶常改官給諫

久作金門客重聞寵命新  
然藜猶昨夜補袞屬茲辰  
地接龍光近心悲雁戶貧  
聖朝方納諫不必憚批鱗

出都憶同寓諸故人

燕臺同作客風雨對銜杯  
話及故鄉好心知別路催  
關山孤夜月僕馬散秋萊  
北雁能為伴南飛幾日回

使過陽信抱關無吏諸生數輩出  
尊簋曰吾輩皆誦習先生文章毋庸驛吏也留詩贈之

吏已絕逢迎人猶識姓名驅車周四牡供帳魯諸生野館秋雲入荒城畫柝鳴艱  
難看逆旅一飯重含情

田芳伯同余南旋至淮上別

芳伯失職久客京師僻人傳為死矣

千里同袍子分為行路人鄉書斷京國旅食老風塵身在妻孥哭途窮僮僕嗔君  
過漂母廟拜手薦江蘋

淮口舟夜

風便不能發柝聲連夜長關河迷去住鷗鷺得行藏烟盡初冬月天寒未曉霜尊  
鱸鄉路近客思倍難忘

真州榮園

疊石鬱嵯峨蒼茫氣象多高低成洞穴庭城俯山河巢集臨江鷗花生帶雪柯向  
來歌舞地長卧老藤蘿

二

主人營此園數十年嘗以千金置一石

歲月為園盡天然事事工亭臺入雲表戶牖絕雷同片石千金得三江一洞通平  
生邱壑意浩蕩對花叢

哭梅雨吉

獨負才無敵為君兄弟難前生定長吉後死倘都官玉樹人間盡青衫地下寒空流  
流菱婦淚墳土不曾乾

聞劉潤伯捷武關

王粲從軍日班生擲筆初應為萬人敵莫負十年書日月烽烟蔽江山戰壘餘儒  
冠真寂寞躍馬定何如

赤壁

亂石寒烟路千年人自游峻嶒存赤壁虛白俯滄洲百戰亭臺盡三春江漢愁誰  
憐詞賦客今古一孤舟

登江夏洪山寺塔

時官軍  
方南征

峰頭開古寺塔下俯浮雲山勢龜蛇闕江流沔漢分柳荒陶侃廟風競伏波軍南  
望湖光白鴻歸度夕曛

泊嘉魚

有赤壁是周  
瑜破曹操處

濤翻天地合向夕早維舟江月人難夜津亭風易秋危巖尋赤壁春水沒芳洲欲

問漁家路滄波自北流

二喬墓

銅雀臺遺恨巴陵塚尚留君臣分艷質吳楚一荒邱  
花落春雲暗猿啼暮雨愁相江有神女應共弄珠游

望君山

上有軒轅鑄鼎臺  
秦皇過此舟幾覆

孤嶼凌天險滄波繞翠微四時芳草暗萬古白雲飛  
軒帝臺應在秦皇事已非欲尋方竹杖仙路隔危磯

湘夫人祠

帝子蒼梧望荒祠楚水湄湘雲搖珮帶岳雨送旌旗  
夜靜魚龍入情深草木知維舟尋往蹟春蕓沒殘碑

自海陽至長沙舟中雜咏

狂歌多楚調宜入楚鄉游水闊蛟宮險林深虎穴稠  
樓船馳使節蕭鼓襍巴謳春色來何遠青青杜若洲

二

秣賤偏無酒愁來少醉眠荒村依岸曲古廟立山巔水驛舟為騎魚鄉網是田石  
尤風太數搔首郢門烟

三

鼓柁隨漁父乘槎老客星鶯聲花嶼暖龍氣雨潭腥波綠澄湘浦天青合洞庭誰  
知魚子飯絕勝五侯鯖

四

野鶴偏知雨篙人自喚風雲開七澤盡春漲五溪通橫海樓船遠征蠻弱餉窮泊  
舟時夜警卧倚寶刀雄

五

翠竹似松杉蒼蒼隱洞巖開逢過水市欵案趁風帆雲自青莎出魚從白鳥銜瘴  
江鶯早熟二月脫春衫

六

畏路天垂盡湘南去路遙鮫人登賈舶山鬼避星輅賈傅魂空弔靈均恨未消羈  
棲卑濕地故國果雲霄

灘舟即事

湘潭至衡山數十灘石潛水底例以土人曳小舟前導舟曰引洪人曰灘子  
沂盡湖湘險衡山路更難引洪舟一葉穿石水干盤人沒龍湫得巖侵猺洞看經  
旬行百里岳雨暮春寒

花藥山相傳何仙姑采藥處

杖策尋仙蹟乘春醉羽觴藥壚青嶂遠環珮白雲長巢鶴依山寺林花發野棠孤  
亭面衡嶽北望正蒼蒼

排山驛

山外無平地巖中有宿雲生猿安鼠穴猛虎羣人羣日出蠻烟暗天低瘴嶺分艱  
難經喪亂吹角更堪聞

永州南數十里夾路皆古松

何代松林古婆婆擁道周鬼神深窟宅烟雨蔽山邱白鶴一羣老清陰百里秋眼  
看遺剪伐劫火幾時休

經王公嶺白雲菴



峻嶺留精舍危亭半夕陽瘴雲官路濕春草寺門荒飛矢散猿隊鳴鏡驅虎倦凭  
高聊極目粵嶺一何長

全州道中

驛路入樵徑森森古樹中異香羣卉穠深翠象山同滴憾藤花雨吹衣松葉風春  
光將客意萬里去無窮

二

途雨行無次孤村烽火餘山厨連馬榭官舍奪僧居樹古偏供爨人稀廢越墟東  
西看麥壠寡婦把犁鋤

昭江別周汲菴副使

天末故人見尊前鄉語多看山晴共出乘月夜相過搔戶能輸布蠻方罷枕戈龍  
門驛畔路分手恨滄波

發昭潭

瘴路已深入蠻江更獨行搖搖逐峰影颯颯隨灘聲磴壑蛟涎出衣裳瘴氣生戈  
船思漢將從此向南征

昭江夜泊

驚濤自風雨樹杪復飛泉萬籟集清夜孤舟浮綠烟夢歸鄉路怯客病榜人憐明發蒼梧近應看下點鷺

次答沈梧州送別

別緒不可理茫茫失所思斷蓬吹更遠疲馬策難馳脫贈平生意殷勤去後期三湘風雨夜應有夢君時

端江旅興

江泊依榕樹幽尋過竹梁雨來山乍白日落水全黃橫浦戍樓迴綠溪村巷長雲中風土似少婦有提筐

二

遠游多病後獨步落花時野艇收魚子溪蟲哺鴨兒披榛茉莉出夾道荔枝垂信美長為客茫茫故國思

端州贈別沈止嶽少參

東游非汗漫強半為君來硯試端江石尊移越海臺干戈蠻洞洗日月瘴鄉開惜

別仍留句誰知沈約才

五日東莞王句重明府宴津亭

天南初罷戰彩鷁到江城荔子乘舟摘蒲觴帶雨傾親交佳節會兒女故園情莫  
憶懷沙事愁雲海畔生

沂昭江雷霹灘懷尹奠階太守

灘聲雷雨內天險奪龍門峽束水斜立濟驅石盡奔浪江生白髮烏鵲報黃昏咫  
尺美人隔孤帆不可論

南華山寺

祖衣留嶺外古刹面滄洲地閣巖扉綠松高增院秋荒臺過虎跡靈瀑吼龍湫誰  
識曹溪意年年水自流

大庾嶺

峭壁何年鑿炎洲北路開門客一騎入人度萬山來南北各回首干戈更築臺蓬  
蒿行處滿漫說嶺頭梅

十八灘

人老三秋後舟臨十八灘落帆循石罅解纜趁江湍久霽衣裳濕重雲燈火寒折  
聲連鼓角無夢到漁竿

中秋夜泊樟樹鎮

時初脫粵西之難

又是中秋夜三年客裏過影孤彭蠡雁路繞洞庭波鄉信逢人問羈魂在水多故  
山有明月好與照藤蘿

雨宿三疊泉下凌雲舍

竹屋住雲根蒼巖帶雨痕燎衣當茗竈移石健柴門泉響千林動峯開五老尊采  
朝攀絕頂俯仰盡乾坤

九日廬山尋瀑布絕頂處

去開先寺數里登殊塔泉出趾下

良辰采巖菊振策入寒烟獨倚管峯壇回看百丈泉奔雷翻絕壁晴雪下高天客  
到都無語蒼茫落照前

黃巖寺

在雙劍峯下瀑布泉上

山中誰說法雙劍化為峰寺倚懸巖石泉飛半嶺松香臺鳴野鶴瓦鉢貯潭龍欲  
覓林間洞雲深谷口封

孟貞病寓草閣

契闊能相就粗疎媿主人  
天風吹短榻厨飯煮勞薪  
坐語從深夜相看各病身  
幾年拋藥餌一醉紀家春

宣城紀叟善醪  
見李太白詩

人日涇川

人日日初晴春風昨夜生  
野梅誰早折凍土又新耕  
餘雪涓涓白流澌瑟瑟必鳴琴  
谿聞控鯉駐馬一含情

涇川大安寺

作客必投寺居然一老僧  
春光門外水夕梵雨中燈  
馴鶻自來去閒心減愛憎  
西峰晴更綠夢已到峻嶒

留別施元引學博

青氈偏好客白雪更知音  
竹葉時相餉桃花日共尋  
晴山開木末馴鹿卧庭陰  
良會難為別滄江去路深

偶過鄭扶九看牡丹

地有葛洪丹井  
琴高藥渣魚

名園連客舍高士復閒居  
春盡芳菲裏天晴爛熳初  
試茶丹井水入饌藥渣魚隨

意此終日狂歌野興疎

登幕山同左稚姜

山故左難  
當駐兵處

春送登臨眼山留戰伐名  
寺門銜極浦杯底見孤城  
世定英雄伏林間麋鹿行  
憑君詢舊壘指點暮雲平

悼梅母趙太君

時被  
火厄

令德宜彤管魂銷撤帨時  
祝融迎玉珮風伯導靈旗  
此去縣鷺急重來化鶴遲  
賢愚同一燼千古共凄其

為蔡大美悼令子須才

令子趨庭好高堂永訣難  
問寒留夜火負米進晨餐  
苦學青箱在多愁玉樹殘  
尚餘窗外竹刻徧翠琅玕

施愚山先生學餘詩集卷之二十四終

施愚山先生學餘詩集卷之二十五

五言律

北樓對雪

瓦雪斜侵枕，溪風迴入樓。  
關山迷老馬，江漢失孤舟。  
樹白雲俱斂，天垂水不流。  
因憐稻梁雁，無路覓汀洲。

過閒雲菴

聖俞詩風雪  
雙羊路即此

幽人頻出郭，野寺已深山。  
路近雙羊古，心知獨鳥閒。  
晴烟含竹塢，冬日暖柴關。  
尚想高僧去，孤雲不可攀。

旌陽寺舍

一月宿精舍，坐看芳草生。  
歸心知物換，客感對僧平。  
山市春蔬儉，溪春夜火明。  
勞頻轉側慙，負曉鐘聲。

隱龍方氏義井

山潤長疑雨，千家舊井存。  
疎泉通地肺，倒海瀉雲根。  
飲酌人皆壽，冰霜氣益溫。  
灌園逢野老，嘯傲倚柴門。



覺今園題主人壁

作客頻年事荒園半畝閒栽花多讓竹臨沼忽看山檐雨穿簾入林鶯拂座還誰  
憐為物役春日望鄉關

許湛明白嶽讀書處曰翠微天

平生愛邱壑抱影棲翠微山鬼借藜火神猿敲洞扉月來高樹白鐘響亂雲飛他  
日下巖去人從天際歸

饒景玉雪厂

爾往畫圖內春鶯時往還丹青送風雨庭戶入溪山花落徑難掃客多心自閒相  
携練水上楊柳醉同攀

海陽汪氏園

客園多茂樹林影似吾廬地暖春嘗果朋來夜剪蔬開軒散鷗鷺繞檻吐芙蓉歸  
計翻無定山妻嬾報書

歙浦別吳匡從翰林

分轡燕臺後相逢是故鄉尋春同策杖惜別屢移觴四月啼鶯老千山落日黃金

門方待詔何處共林塘

弘濟寺登大士閣

寺門有  
杪樞樹

寺倚寒江石天銜水國秋懸巖千葉覆危閣一拳浮日冷杪樞樹帆歸蘆荻洲游  
人頭白盡不改暮潮流

天逸閣追悼朗三

閣中人已去三徑未全荒舊句看題壁殘書積滿牀亂藤穿瓦裂老檜逐年長不  
用聞鄰笛愁來自斷腸

懷蔡大美江行戲東

作客歸無計應知夢草堂浮名驅策遠小婦別離長江路多春雨山村易夕陽壯  
丹開太早不及共君觴

錢聖月重至宛陵有紀年詩

記昔論文處寒雲落敬亭人驚亂後在山北別時青甲子存詩史滄洲賸客星十  
年一尊酒判醉不須醒

禾塘麻天為宅

孤村百戰後多難尚安居舊閣頽秋雨名園種野蔬存亡雙眼淚家世一牀書酒  
盡難言別慚予友道疎

西礪值葛元士

亂來歡聚少祇訝髣毛蒼嬾性耽林壑生涯倚稻梁身閒牛自飯谿近鱗先嘗倘  
遂幽棲志扁舟問草堂

響山臨眺同諸子有懷杓司

城南山在望將老始登臨路斷漁樵跡潭空鳥雀音浦沙春漲落村樹晚烟深忽  
念幽棲客滄洲不可尋

次吳興

輕舟乘曉發百里不知遙綠水分村巷黃魚出板橋蠶成桑葉盡溪暗橘花飄賣  
酒壚邊泊高樓何處簫

昭慶寺贈心公

西冷纔繫艇到即叩君廬曲徑鐘聲細空堂竹影疎交能寬白社禪不廢儒書階  
下莓苔淨無勞更掃除

登會稽郡閣

郡閣倚崔嵬千重黛色開山留神禹穴地擁越王臺挂海孤虹遠橫雲列岫來坐  
看生羽翼飛夢到天台

家長野太守招游曹山及吼山

石斷忽成谿懸巖陰復低登臺迷上下浮艇失東西絕壁魚龍氣危藤鶴鶴棲使  
君幽興極攀盡白雲梯

白魚潭尋張桐君及其兄木弟南士

潭上高人宅藤蘿陰覆牆就涼從席地臨水復移觴信宿歡難盡窮愁嬾不妨鉢  
魚憐極小滋味喜初嘗

魚形如鉢  
子故名

柯亭

荒亭何處是斜日下秋陰過客猶尋竹前賢舊賞音人烟梅市白山色剡谿深長  
笛從君聽風吹疎樹林

梅山

子真隱此  
有煉丹泉

遁跡聞吳市聲名占越山幽尋不憚遠高卧豈知還海色登峯見江雲入袖閒惟

餘煉丹井積冷照人間

贈雍頭陀

陸龜之自稱雍頭陀

遠公纔一至令我庖厨清對酒惟揮麈畫龍愁點睛  
登湖白鳥浴碧樹陰霞生日暮倚高閣狂歌遺世情

天衣寺同景玉桐君

有舞松一株相傳晉人所植又有雙帶泉

招提秦望麓絕勝虎溪頭石徑一松古山堂六月秋  
僧繇殘畫沒北海斷碑留雙帶門前水依依不肯流

二

遠山齊木杪一帶晚烟橫月照竹林早露從衣袂生  
雲中孤壙隱峰頂怪禽鳴偶借支公榻蕭然夢亦清

寄胡新昌海若時見招游南山

故人真薄宦念我復如何書到西陵渡情深刻水波  
地偏容客少邑小得山多遙憶沃洲路惟應支遁過

山陰即日

雨後鑑湖綠山川盡可憐四時皆笋候萬井各溪邊傍檻多垂柳當門試採蓮還聞歌管亂處處木蘭船

乘興與桐君過南華山館留簡登子

主人能掃徑客到每無期樹老陰連水花多夏滿枝蓮舟溪女掉菰米野童炊吾意閒來往林昏歸未遲

姜桐音見過千峰閣有贈

高閣橫霄漢閒雲時往還同傾天際酒坐俯越中山禹穴鄰書屋耶溪到竹關少年吟太苦早晚鬢毛斑

剡中羅星亭

剡曲曉冥冥溪邊千仞亭潮聲連舜水峰影識金庭山郭人烟白河橋雨樹青樓頭今夜望何處少微星

用歲遠居剡時月犯少微星事

旅中七夕

先慈諱日先君子有天上橋成日人間短斷時之句

莫說雙星會徒添兩淚流生來悲陟屺客久恨登樓江樹烏啼夜山城蟲響秋重憐隔邱壠無路哭松楸

祁氏寓園

有池通鑑湖是  
祁中丞自沈處

別墅高人意蒼巖照碧濤池穿鑑湖曲雲合會稽深灌木吟晴日荒臺背夕陰美  
蓉秋水綠猶見汨羅心

酬梅八丈子翔見寄

東溪清百折經歲未相尋遠樹暮雲合孤村芳草深醉看漁綠浦春憶杖遙岑忽  
覺傷離別梅花落滿林

別山陰息柯亭時桂花初發

秋深方鼓棹臨發復登臺題宇滿書屋流雲上酒杯人當風雨散花到別離開叢  
桂能招隱淮南客再來

三江閘

太守湯公紹恩按列宿置二十八祠紹  
人祠之舊有三江衛兵防海寇今廢

驅石截天塹湯公舊澤長白虹垂欲動列宿儼成行井竈魚鹽集煮蒿俎豆香還  
應存古戍莫待海波揚

九日同安又舟泊采石

九日逢晴日離人得故人山亭同酒醖水市膾江鱗捉月千秋事揚舲萬里身懸

巖叢菊細偏聽客愁新

九華山東巖

旁有天柱峯王文成嘗燕坐東巖

山到東巖好橫開  
翡翠屏招提含宿雨  
洞壁倚寒星  
杖底千峯小  
烟中九子青  
昔人曾燕坐天柱一荒亭

秋浦尋劉輿父不值

壯士祇為客自然成  
白頭正傷遲暮眼  
重起別離愁  
竹斷城邊路  
江平天際舟  
看君讀書處風葉一庭秋

承恩寺懷吳見末

任同寺寓有夜懷孟貞作今孟貞墓木拱矣

寺閣清光滿論詩憶共君  
階前餘白露天未去孤雲薄  
宦何時達高歌不可聞  
應憐石湖叟秋草沒荒墳

送李近士歸豫章

殘臘別後巡到家應早春  
隔年休改鬢將母敢言貧  
山月隨征棹江梅傍釣綸  
誰知宦游子羨爾獨歸人

江寧重別顧與治

顧有田瀨海歲存滌及



屢會真難得相逢幾日間薄田滄海畔羸馬鼓鼙間寒共僧廬酒貧摧國士顏坐  
看懷抱盡好為買青山

二

聲名空爛熳生計苦依違舊作多焚草貧游却掩扉浣花存小築桃葉自漁磯見  
說淮陰去王孫何處歸

送高念侶同年之官嶺南

久別羊城路因君憶舊游瘡來諸嶺夕雨急百蠻秋卉服迎旌節鄉心滿驛樓明  
年還北闕莫向日南愁

酒間贈倉部范正

范嘗解俸婚杜于  
皇刻邢孟貞遺集

江干烽火際慷慨盡君觴握手無多語中心自不忘貧交存杜甫遺草問襄陽別  
後相思劇緘詩寄一囊

江浦逢立春

客路從茲去愁邊春故來一天殘雪在幾處早梅開粉署官何補車塵老暗催年  
華與鄉思悵望獨登臺

元夕過朱澹子侍御

今夕人皆醉情深是此筵相憐飛動意不記別離年漏靜孤城外天寒滄海邊從君看積雪月出倍嬋娟

寶應酬朱周楨

看君非泛愛一晤盡平生永夜春燈靜空階霽雪明壯年詩律老在野史書成酌罷射陽酒愁聞征馬鳴

書海州郵舍

馬耳峰前路孤蓬獨住還滄洲無野鶴地故產鶴城郭是空山驟雨停征轡驚沙損客

顏猶傳望魯處懷古悵難攀海濱有孔望山傳是孔子望魯處

久不得侯韓振藍山消息

罷官已隔歲歸計竟如何戰地豺狼逼天涯魑魅多時違甘放逐親老恨蹉跎望遠魂無定搖搖楚水波

都下葺邱舍

借屋寧須葺樓選作計難空庭留月入獨客畏春寒邱壑遙憐我蓬茅不礙官鷓

鶴吾有賦醉裏避人看

二

拙宦容高枕騷歌擬卜居官猶是長物室豈定吾廬短榻頻留客空齋半積書往來車馬數誰念病相如

學士方坦菴先生夜集月下

先一夕月食至是更皎

開選寬來往看雲自卷舒偶成河朔飲真似瀛西居影靜空明裏光添剝蝕餘轉憐今夜好清話滿樵漁

簡何省齋中允

時悼亡作  
蝶夢詩

中允還高卧涼風此夕秋情多那免病年少豈應愁家自夔龍後身從日月游祇疑前奉倩不得比莊周

送吳見末之閩

為郎兼此舍不復嘆知稀如我兩人癖那堪萬里違詩工能用拙官老獨忘機欲作隨陽雁南征伴爾飛

季介華同年遺番舶錦褥

日南遺錦褥珍重勝兼金祇欲存方物非關厭布衾  
雙文蠻女繡萬里故人心却藉烏皮几光輝爛素琴

天壇尋吳右舟

不因高士住那得到郊壇露氣曉堂靜松聲夏簟寒  
僧閒歸物外山遠出林端却羨新秋月抱琴君獨彈

右舟座中限鹽字

道士醮藥酒

滿座紛書帙疏花影竹簾呼童具雞黍隨意點薑鹽  
曳杖星雲近論文甲乙嚴香醪兼藥物醉後幾回添

坐壇松下

幽興不擇地坐來亭午涼微颺人語寂斜照閣陰長  
白晝傳笙鶴清秋散雪霜去天惟尺五徙倚問蒼蒼

京邸與劉潤伯飲時劉四十初度

談諧同總角富貴莫相忘今日官皆冷秋風髮欲蒼  
帝鄉成歲月客路感行藏何似家園好臨溪累百觴

斗酒勿辭醉新詩為爾吟  
星霜兩歲長松菊百年心  
好武才何健論文興不禁  
比鄰相待老同傍玉山岑

懷草閣

溪上百尋閣城頭疊嶂山  
捲簾當杳靄高枕過潺湲  
烟月白無際霜楓丹照顏  
向來閒徙倚長嘯出人間

寄雲中汪涵夫郡丞

汪家白門

昔作滄江客官臨紫塞隅  
雲中鼙鼓接關外雁鴻孤  
砂礫晨飛面水霜秋在鬢  
君聽羌笛夜應憶白門烏

過王藉茅內翰觀覺斯宗伯墨蹟

聲名中秘舊閭閻洛陽尊  
義獻書無敵談遷史並存  
論才揮玉麈立馬倒金樽  
忽動尊鱸興風塵向夕昏

送彭燕又歸雲間

時江南以海氛成嚴

窮交難聚首住久見仍稀  
老恨秋蓬轉愁看獨雁歸  
水霜沾旅鬢鼙鼓到漁磯  
祇

覺江南好無勞歎掩扉

得與治書言江田累劇病卧京口

驚心千里札只作數行啼破產歸流水殘生廢杖藜窮偏嬰物役老更逐羈棲惻惻懷空切關河望眼迷

送孫衣月檢討歸武進

時以詞臣建言自請為武進縣令破稿

抗疏原非職艱難獨此表危言成石畫直性恥雷同俞拂恩皆重行藏道不窮看君拂衣去浩蕩五湖中

二

疾俗真成病疎狂敢望恩義難忘部屋官反薄金門詞賦收吾黨江湖念至尊他年宣室召慷慨更堪論

送方邵村同年恤刑楚粵

舊曾游楚粵送子倍關心絕塞干戈滿孤城瘡痍侵亂離人命賤赦宥國恩深若聽哀猿叫無勞沾客襟

二

七星巖險絕杖策會須攀路傍青冥去人從霄漢還香風憐桂嶺圖畫見君山發  
墨堪乘興仙槎幾日間

題曹子顧編修陸舫

開徑遲佳客攤書閉竹關繁花深繞座獨鳥遠還山邱壑風塵裏登臨庭戶間浮  
沉金馬意白日向人閒

送吳閬中瑤如

滕王營建宮  
室銷之間苑

萬里巴西路孤鴻雨雪天荒城看木落危棧入雲懸閬苑蠻烟裏琴堂畫角邊長  
卿行諭蜀消息報幽燕

螢火

埋照亦何恨熒熒到夕扉傍林沾雨重穿幔向人飛暗覺星河動寒疑石火微夜  
闌明月盡見爾倍清輝

燕邸秋雨

秋雨今年數天寒漸作冰崩垣嘶馬濕翅慙鞚鷹親舊離將老山園歸未能繙  
書從永夜耿耿對疎燈

送許荆溪通政按察江南

節使外臺尊風流近侍存須令執法地益見聖朝恩  
六代供詞翰三山入酒樽南  
行漫回首早晚又金門

王藉茅宅同楊猶龍張譙明晚坐

時盆榴一實如  
拳摘以佐酒

並馬過從數情深尊酒親開軒  
遲好月摘果為嘉賓藝苑悲歌日  
金門澹蕩人不  
愁分手迫相隔止西鄰

人日

旅鬢逢人日輕寒散帝城  
條風仙掌動春水御溝生  
身世牽纓冤山河阻甲兵不  
須吹玉笛楊柳正關情

王蘭陔奉使江南便道省親

驛路草芳菲星輅出帝畿  
羨君持節去却是故鄉歸  
舟楫礪礪過江潭子鱗肥  
登堂花爛熳正應老菜衣

薊門

薊門風當雨風定是初晴  
北闕雲中迴西山馬上明  
長楊春出獵細柳暮移營  
儒



術慚疎闊為郎白髮生

京邸諸公晚集

高閣春風夜華燈照客時  
官僚半揚馬酒坐共文辭  
夢繞梅花屋山間桂樹枝  
何年一攀折京洛贈相思

始得淳兒書

憐渠七歲病纔作數行書  
字喜無魚魯情知問起居  
羞鹽貧自好藥餌瘦何如  
猶憶離家日當門壺我裾

送黃鷗湄宮詹之任楚轄

睿慮方南顧雄藩領上游  
滇黔荒服控財賦舊臣謀  
極浦江蘿綠連天漢水流  
持籌倘暇日一問庾公樓

何生伯還南陵

春穀城邊路三年夢渺茫  
送君折楊柳揮手見江鄉  
魚鳥依人近荷蕖滿縣香  
塵纓良可濯切莫負滄浪

送羅漸遠宰宜陽

即召伯甘棠地

勞勞頻送客送子悵如何  
女兒晴雲散黃河春水波  
歲登輕井稅地僻好絃歌  
召伯甘棠在應知惠政多

再過劉何實看海棠

朝朝連騎出頻為看花來  
不雨延春色當窗照酒杯  
種知燕地少節後故園開  
爛熳今如許還堪醉幾回

遲張山人大風不至

春晚燕山月開樽獨倚樓  
故人游汗漫何處復淹留  
車馬生交態鶯花異故邱  
情知即見面竟夕起離愁

送朱山暉備兵朔方

持節臨邊郡論文舊石渠  
即看千騎出仍載五車書  
天濶戍烟斷春寒關樹疎  
朔方畿輔地揮手莫躊躇

懷方邵村使湖南

水國春方漲扁舟去渺然  
波平嶽麓寺天入洞庭船  
下瀨征蠻地長沙弔屈篇  
勞臣有王事郢曲幾時傳

同舍諸公歎庭樹無巢

蔽芾疑棠樹陰森似栢臺如何爽鳩署無復鵲巢來日月寒還照風霜晝未開誰  
憐鸞鶴在三匝轉徘徊

劉相國夜酌菊花下時方學士坦菴先生在坐

花近入杯香燈殘報夜長清懽薄絲竹餘論及篇章獨鶴從窺幔高槐不受霜坐  
中兼老友欸欸話難忘

來青軒

好是香山寺東軒舊蹟稀輕陰疏雨散遠色萬峰歸宸翰留丹壁靈泉滿翠微先  
朝游幸地只有暮雲飛

送陸處實進士教授宛陵

知子平原後懷才與世疎心輕虎觀席手著龍門書縱飲貧長醉擇官閒有餘扁  
舟宛溪去一為問吾廬

顧介石左遷關中藩幕

久雨遲郊餞心知別路難衝泥頻駐馬去國勉加餐華嶽烟霄迴函關風日寒到

時饒感慨地是古長安

送秦廣德石林

時言及建平袁開甫先輩

五馬莫踟躕春雲滿客途川原入桐汭風俗近姑蘇田稅蠶桑足衙齋魚鳥俱北山有耆舊還官式廬無

程幼洪庶常教授吳門

一時臺館散去國且扁舟好卜五湖宅何殊萬戶侯名都賦吳會文學本言游別後清秋月知君坐虎邱

二

苦吟君好我唱和未從容分手始多恨同心何大慵名留石渠閣家近蓮華峰去且為樂江天雲萬重

送王挺生令荔波

秋色滿平津征帆去苦辛一身烽火地萬里瘴江人野闊天無雁城荒洞有民分符到殊俗努力是王臣

懷張天游客蘭陽

張所居名白魚潭

黃河水幾度客舍復離居少婦真提甕高堂獨倚閨蟬聲經雨歇樹葉向秋疏何  
日成歸計寧親饌白魚

送董玉蚪行人使延綏

乍見難為別深秋况遠行霜前催客思關外問王程玉節黃雲護星軺畫角鳴請  
君歌出塞莫動故園情